




同治徐州府志

ル 5  
1569  
10/4



八二〇五  
1569  
14



同治徐州府志卷第二十二中之中

人物傳 孝友

漢劉平字公子楚郡彭城人本名曠顯宗後改為平王莽時爲郡吏守舊邸長政教大行更始時天下亂平弟仲爲賊所殺平扶母逃難仲遺腹女始一歲平抱仲女而棄其子曰六不能兩活仲不可以絕類遂去不顧與母俱匿野澤中平朝出求食逢餓賊將烹平叩頭曰今旦爲老母求菜願得先歸食母畢還就死因涕泣賊見其至誠哀而遣之建武初龐萌反於彭城攻敗郡守孫萌平時復爲郡吏冒白及伏萌身上被十創號泣請曰願以身代府君賊乃斂兵曰此義士也勿殺遂解去後數日萌死平裹創扶送萌喪至其本縣後舉孝廉拜濟陰郡丞太守劉

人物傳

同治徐州府志卷第二十二中之中

一

育任以郡職上書薦平會遭父喪去官服闋拜全椒長政有恩惠百姓懷感刺史太守行部獄無繫囚唯頒詔書而去後以病免顯宗初尚書僕射鍾離意上書薦平執性恬淡修身行義應在朝次徵拜議郎再遷侍中永平三年拜宗正數薦達名士承宮郇恁等在位八年以老病乞歸後漢書本傳

劉紆彭城人宣帝曾孫積累仁義世有名節而紆尤慈篤早失母鞠養弟平與共臥起飲食及成人未嘗離左右平病卒哭泣嘔血數月亦歿子般別有傳後漢書劉般傳

宋孫棘彭城彭城人宋大明五年發三五丁棘弟薩應充行坐違期不至棘詣郡辭列棘為家長令弟不行罪應百死乞以身代薩薩又辭列自引太守張岱疑其不實以棘薩各置一處報

云聽其相代並色喜甘心赴死岱依事表上孝武詔特原罪州

加辟命宋書孝義傳

南齊劉悛字士操勳子勳見忠節傳初辟南徐州從事隨父征討有

功拜鄱陽縣侯悛世子出為武陵內史郡南江古隄久廢悛修治未畢而江水忽至百姓棄役奔走悛親率厲之於是乃立百姓感之桂陽之難加甯朔將軍助守石頭父勳於大航戰死悛時遇疾扶伏路次求勳屍勳屍頂後傷缺悛拔髮補之持喪墓側冬月不衣絮以父死朱雀航終身不由其路建平王景素反齊高帝總眾悛初免喪帝召悛及其弟愔愔入省欲使領支軍及見皆羸削改貌乃止武帝時累遷領軍將軍司州刺史東昏侯卽位改授散騎常侍郎驍騎將軍衛送山陵路經朱雀航感慟

人物傳

司台徐州府志卷第二十二中

至曲阿而卒

南史本傳

梁劉苞字孝嘗劬之孫也四歲而孤至六七歲世叔父悛繪等並顯貴苞見之輒泣其母謂其畏憚怒之苞曰早孤不識父聞諸父多與父類故心中悲耳因而歔歔母亦悲慟奉母最孝嘗為扇席溫枕母及兩兄相繼亡苞年十六經營墓所不資諸父仕至大子洗馬侍講壽光殿以文藻見知多預讌坐居官有能名性和而直與人交情無所隱天監十年卒時年三十

梁書文學傳

劉孺字孝稚彭城安上里人祖勔父悛幼聰敏七歲能屬文年十四居父喪毀瘠骨立宗黨咸異之叔父瑱嘗置坐側謂賓客曰此吾家明珠也仕梁起家軍法曹行參軍出為太末令在縣有清績遷太子中舍人嘗在御座為李賦受詔便成文不加

黜武帝甚嘆賞之遷中書郎散騎常侍大同五年授吏部尚書出為晉陵太守在郡和理為吏民所稱入為侍中復為吏部尚書母憂以毀卒諡曰孝孺少與從兄苞孝綽齊名苞早卒孝綽數坐免黜惟孺貴顯

梁書本傳

劉覽字孝智孺弟十六通老子易位中書郎以所生母憂廬於墓再期不嘗鹽酪食麥粥而已隆冬止著單布衣家人慮其不勝喪中夜竊置炭牀下覽因暖得寐及覺知之號慟嘔血梁武帝聞其至性數使省視服闋除尚書左丞性聰敏尚書令史七百人一見竝記姓名當官清正無所私出為始興內史居郡尤勵清節復為左丞卒

梁書劉孺傳

劉曇淨字元光慧斐兄慧鏡子祖元真淮南太守居郡得罪慧

人物傳

司台余川守志卷第二十二中

三

鏡歷詣朝士乞哀懇惻甚至遂以孝聞仕至安成內史曇淨篤  
行有父風解褐安成王國左常侍父卒於郡曇淨奔喪不飲食  
者累日絕而又蘇每哭輒嘔血服闋因毀瘠成疾會有詔士姓  
各舉四科曇淨叔父慧斐舉以應孝行梁高祖用為海甯令曇  
淨以兄未為縣因以讓兄乃除安西行參軍父亡後事母尤諳  
至身營殮粥不以委人母疾衣不解帶及母亡水漿不入口者  
殆一旬母喪權瘞藥王寺時天寒曇淨身衣單布廬於瘞所晝  
夜哭泣不絕聲哀感行路未及期而卒

梁書孝行傳

北魏劉禕字彥英彭城人父世明

見忠節傳

禕性弘裕有威重容止

可觀雖昵友密交朝夕遊處無不加敬好學善三禮吉凶儀制  
尤所留心魏孝昌中釋巾太學博士累遷睢州刺史邊人服其

威信甚得疆場之和世宗輔政降書褒獎逕歸鄉里侍父疾竟

不人朝父喪沉頓累年非杖不起世宗致辟禕稱疾不動五子

璿玕璞瑗瓚並有志節為世所稱

北齊書本傳

北齊皮宿達景和子

景和見人物列傳

有才藻檢行開皇中通事舍人

母憂起復將赴京辭靈慟哭絕而復蘇不能下食三日死

北齊書皮

景和傳

隋劉士雋彭城人性至孝丁母喪絕而復蘇勺飲不入口者七  
日廬於墓側負土成墳列植松柏虎狼馴擾為之取食隋文帝

受禪表其門

隋書孝義傳

唐劉審禮德威子

德威見人物列傳

少喪母為祖母元所養隋末大亂

道不通審禮尚少自鄉里負祖母渡江轉側避地及天下平西

人物傳

司台余州守志卷第二十五

四

入長安元每疾病必親煮藥嘗而進元曰兒孝通幽顯吾一顧  
念疾輒間貞觀中歷左驍衛郎將父喪免比葬徒跣流血行路  
咨歎服除當襲爵讓其弟不聽見父執必感泗滂沱事繼母尤  
謹與弟延景爲聞友得祿多資之而妻子執寒苦晏如也再從  
皆同居合二百口內外無閒言遷工部尙書檢校左衛大將軍  
儀鳳三年吐蕃寇涼州副中書令李敬元討之與虜戰青海上  
敗審禮爲虜執其子尙乘直長殆庶及延景詣闕待罪請入賊  
以贖有詔審禮狗忠以歿非有罪宜各還職特詔殆庶弟易從  
省之旣至而審禮卒易從晝夜哭不止吐蕃哀之乃還父屍徒  
跣萬里扶護以歸見者流涕審禮贈工部尙書諡曰僖

傳

新唐書  
劉德威

劉敦儒澹之子也家東都母病狂易非笞掠人不能安左右皆  
亡去敦儒日侍疾體常流血母乃能下食敦儒怡然不爲痛隱  
留守韋夏卿表其行詔標闕於閭元和中權德輿復薦之乃授  
左龍武軍兵曹參軍分司東都在母喪毀瘠幾死時謂劉孝子

後爲起居郎達禮好古有祖風云

新唐書劉  
知幾傳

宋彭程徐州人四世同居淳化初詔旌表門閭

宋史孝義  
許祚傳

李柞徐州人親喪廬墓凡二十七年大中祥符九年特詔旌表

宋史孝義  
王光濟傳

元杜佑邳州人河南行省署爲三义水馬站提領父成病于家

佑忽心驚舉體沾汗卽棄職歸父病始二日遂禱神求代且嘗

糞以驗疾父卒廬墓盡哀有馴兔之瑞

元史孝  
友本傳

人物傳

河南通志卷第二十五之中

五

史彥斌邳州人嗜學有孝行至正十四年河溢金鄉魚臺故墓多壞彥斌母卒慮有後患乃為厚棺刻銘曰邳州沙河店史彥斌母柩仍以四鐵環釘其上然後葬明年墓果為水所漂彥斌縛草為人置水中仰天呼曰母棺被水不知其處願天矜憐哀子之心假此芻靈指示母棺言訖涕泣橫流乃乘舟隨草人所之經十餘日行三百餘里草人止桑林中視之母柩在焉載歸復葬之元史孝友本傳

劉福蕭人孝養有聞居喪苦塊飢粥悉與禮合三年如一日江南通志

韋信碭山人事親孝朝夕供膳必俯伏四拜而後退人問其故對曰父母之恩終身難報跪拜何勞有司以孝聞至元間詔旌

其門江南通志

郭通徐州人父柩在殯鄰火延及柩重不能移通撫柩慟哭誓與俱焚火遂燼一統志

胡居仁張允中俱徐州人事親篤孝以居喪廬墓旌表門閭元史孝友傳序

匡國政睢甯人父才見忠節傳國政為歸德判官母病割肝以進後又病剔腦和藥病即愈母年八十九卒廬墓三年有鹿馴游其旁有司上其事表其里曰貞孝江南通志

吳希曾睢甯人父卒葬之日大雨希曾跪柩前炷艾燃腕火熾而雨止既葬廬墓縣上狀旌之元史孝友孫瑾傳

明權謹字仲常徐州人十歲喪父即哀毀奉母至孝永樂四年

以薦授樂安知縣遷光祿署丞以省視歸母年九十終廬墓三年致泉湧免馴之異有司以聞仁宗命馳驛赴闕出其事狀令侍臣朗誦大廷以示百僚即拜文華殿大學士謹辭帝曰朕之擢卿以風天下為人子者他非卿責也尋扈從皇太子監國南京宣宗嗣位以疾乞歸改通政司右參議賜白金文綺致仕子倫舉永樂中鄉試養親二十年親終不仕倫子字字又見孝義傳序亦篤孝父母卒皆廬墓成化十二年亦獲旌明史孝義本傳

楊榮字子華其先保定人父勸為呂梁巡檢卒官葬呂梁榮廬墓三年冢石纍纍皆其手砌榮卒子輔亦廬墓榮母朱卒輔又廬墓凡六載泣血飲粥齏鹽不入口又有王貫呂梁人馬尚用辛賈廬墓凡六載泣血飲粥齏鹽不入口又有王貫呂梁人馬尚用辛賈

山村朱環明史孝義傳序徐韶州人皆母歿廬墓環字璇玉由國子生授

陝西甯靖知州守仁孫也部父賢嘗為齊河縣尉呂梁志舊志銅山志江南

通志

周湘字東之母亡侍父寢食十有一年不入私室湘為人不苟榮進邃於易從學者眾至舍中不能容李恩少孤貧採薪養母母年七十患風痰垂死恩無力延醫引刀割股啖母母賴以全周正家酷貧傭力養親親歿賣身以葬新安義商構贖之正必竟役而後去吳道昌字龍河歲貢生父瑛寢疾道昌臥側嘗藥衣不解帶者數月皆徐州人江南通志舊志銅山志

王豫明史孝義序字德立居父喪哀毀骨立母歿亦如之將舉柩就窆值大雷雨豫號泣顛天雨尋止既葬廬墓三年羣鴉馴集墓樹不去范寅字敬時居喪盡禮比葬廬墓三年豫寅皆起

人物傳

司台徐州府志卷第二十二中之中



家國子生豫天順閒官良鄉令歷戶部主事有聲寅知山西石

州升河閒同知張端字端夫親喪廬墓永樂中以孝行薦授真

定太守又有衛軍張文友國子生洪熙時以孝行旌金景諸生

正統時旌張暎吳友直路車並天順時旌皆徐州人江南通志

志按文友暎友直車並見明史王僧兒母病醫禱弗效僧兒沐浴叩天剖腹取肝入糜食母母

病尋愈明史孝友傳序

閻馬兒建文四年以匠執役京師父家居病篤弗得歸省乃剖

腹取肝焚香籲天祈父病瘳事聞復役仍旌其門嘉靖志皆徐州

人江南通志以上銅山

蔣仕字篤齋諸生父母歿皆廬墓三年不歸妻子饑寒弗恤以

歲貢三任教諭砥礪廉隅曰吾求無忝所生而已遷南和令歸

田後有偷兒夜過其廬惟青氈在焉仕出豆粥食之偷兒叩服

去其清操如此禮鄉賢廬墓者又有南真南傑唐鸞傑鸞見明史

成化人任選潘廷恩縱慎術孫重慎王可鄰逮以選貢授樂亭丞

遷蘄州經歷有廉幹聲廷恩力耕養母訓二弟成立慎術諸生

可鄰以毀卒妻蔣殉節見列女傳又有岳鍾靈父歿念母老不敢廬

墓於堂外設主朝夕哀奠三年不入私室皆蕭人江南通志舊

王基甯字一甫父歿廬墓丙子寇陷蕭基甯率兄弟力鬪擁母

出重圍終身孝養不衰楊荷字毅肩明季寇亂奉母何居河北

歷艱苦色養無違王甚美字懷楚母病露禱請以身代遇異人

授靈藥母尋愈後遂精於醫劉鑛甫十歲父病對天泣禱及長

人物傳

同治徐州府志卷之二十一

母又病鑛夜祈北斗請以身代大風卒起燭不滅人咸異之母亦尋愈又有宮毓麟字仁趾父歿事母以孝聞孫應奎字天瑞母病思食甜瓜時四月瓜未實應奎奔號尋覓忽得於野蔓中母食之病愈趙森家貧貿易養親甘脆不價其甯荷甚美毓麟皆諸生鑛太學生徽府審理皆蕭人

江南通志舊志蕭縣志

梁世彥繼母病有道士過其門遺藥一丸曰此神效須人肉作引割股可也彥如其言母病果痊王堆彭討兒皆以父病割股堆父亡又廬墓皆蕭人

舊志蕭縣志

葛養正字培宇諸生杜門自好兄弟相繼早卒撫猶子如己子築冰玉堂於方山下以藏書史任純如字雲門國學生少孤館甥縱氏已乃謝去力學課子先人遺產數百畝悉讓兩弟置不

問胡存道字惺一諸生章金聲字振魯俱以孝友為時所稱皆

蕭人

蕭縣志以上蕭縣

紀旻童子時讀書嘗念身體髮膚受之父母出入恒佩一青囊爪髮脫必置囊中居母喪廬墓側日三負積三年冢若邱陵有羣鵲來巢之異邵良卿父早歿事母四十餘年色養不怠母病嘗糞以驗差劇母壽九十及卒廬墓三年先是良卿父墓在河濱年久沙淤欲遷葬人皆難之良卿號泣於側三日沙忽自開及棺起沙復淤見者以為孝感旻良卿皆礪山諸生良卿工為文著有養拙漫稿又有趙光霽父紳卒於官扶櫬歸葬廬墓側負土封樹終制不歸或謂之曰子有老母將不賴菽水耶遂歸養母母卒復廬墓又有劉誠諸生母卒廬墓

舊志礪山志

人物傳

同治石州府志卷之三十一

九

王子美碭山人事母孝嘗有盜夜入其家子美已潛匿俄聞擊破母寢門遂挺身出曰請殺我無傷我母盜奇之轟然散去又有廩生王大臨童子時隨父鄉居被盜盜欲殺其父大臨泣涕請以身代盜歎息舍去

李報桃諸生祖母年五十而瞽父萼母王奉事甚謹報桃朝夕隨父母左右數十年無惰容又有郭文標于淮均以孝友稱文標諸生准壽逾八十

碭山志

張拱宸碭山諸生嘉靖辛亥單縣有巨賊董大有行劫掠拱宸父文淵率眾衛鄉曲賊攻之拱宸見父中創因冒及赴關死

碭山志

劉德恩半稠皆父病割股父食之愈後父歿皆結廬哭奠三年

不輟德恩竟以毀卒德恩割股時其妻見之驚怛而亡皆豐人

豐縣志

許松生三歲而孤育於祖母祖母嬰危疾百計醫禱弗效及歿松廬墓三年其後父歿廬墓者有田益張弓母歿廬墓者有朱景清父母歿俱廬墓六年者有孫述遠周潭

潭見明史 孝義傳序

廬墓者有曹可賢益廬墓時值黃水泛決原野汪洋墓獨無水人稱孝感弓廬墓時值寇亂人皆徙避弓不為動益可賢弓皆

豐縣諸生

豐縣志

劉思禮割股療父父歿廬墓三年李孝感割股療嫡母後生母病危思食肝孝感及左脇出肝一葉令妻烹奉母竟以傷重不起識者傷之

豐縣志

人物傳

司台余州志卷第二十七中

張大邦字邦楨事母至孝母陸家政嚴肅大邦順意無違友愛諸弟內外雍睦豐縣志

史應禎字元開豐縣貢生榆賊陷城突入其家應禎母老侍側不忍去賊義之不加害應禎子維垣字晉侯諸生不苟言動無

隻字入公門人推長者維洛字申侯慷慨好義豐縣志以上趙清明史孝義傳序作蔡清沛貢生父孜年十七嘗割股療親疾孜卒妻

卓守節見列女傳清事母純孝母歿廬墓三年墓瀕河大水且至清死守弗去水竟不溢廬旁有隙鼠為啣草塞之槁瓜復榮

秀聞者異其事卒祀鄉賢沛人割股者有楊東萊舊志云漢臺里人年十歲母馬病篤東萊割股調羹以進母食之愈廬墓者有郭全

舊志云漢臺里人龔謙舊志云千石璞舊志云廣臺里人楊冕見明史孝義傳序李二

陽張思敬舊志云廣臺里人張楫皆母歿廬墓趙安舊志云泗亭里人父歿廬

墓張奉舊志云漢臺里人父與繼母先後歿廬墓不歸奉竟以毀卒於

廬所冕諸生嘉靖中旌表東萊督學御史令補諸生月給米贍其母思敬又嘗讓產於兄著義聲云舊志沛志

陳永沛人嘉靖末奉母避寇他邑母病危永焚香告天願減已算延母年母竟不死後母歿負土成墳終喪猶廬墓旁日惟一

飯歷三十年無改云舊志以上沛縣

李英邳余行社人母劉病甚英嘗糞驗差否母卒不飲酒茹葷跣足廬墓三年洪武十七年旌舊志邳州志明史孝義傳序亦載其名

岑義明史孝義傳序邳東北鄉人父泰母蘇義幼以孝聞朝夕問安必

拜跪飲食湯藥必親調母疾籲天減年以壽母母老盲矣義朝

夕舐之目復明父母卒跣足負土成墳距山之下廬墓三年哭

不已甘露降於樹有司上其事景泰閒旌舊志邳州志

丁友明史孝義傳序杜莊社人母袁患痢友躬湯藥嘗糞及卒痛絕復

蘇廬墓蔬食絕鹽醬哭無時宏治間旌舊志邳州志

高大茂邳大邨社人母石氏病盲大茂方幼問其故母言產汝

時為風所傷大茂日以舌舐之竟復明母病刲股以進遂愈舊志邳州志

張縝明史孝義傳序邳州廩生以救父溺死萬曆二十一年旌神宗實錄

徐卿邳州諸生父卒哀毀廬墓三年蘇德邳西南廂人父澤早

死母張寡居患癱疾不離左右者二十年母卒廬墓三年劉瑛

邳陶合社人父母歿蓬頭跣足負土為墳前後廬墓六年形容

枯槁幾至滅性三人之旌未聞也德與瑛妻俱以孝淑稱舊志邳州志

高棠字思仁宿遷人事母孝友愛諸弟財帛不入私室陸信字

竹東父早歿事王父甚謹繼母有疾親嘗湯藥目不交睫及為

諸生例得復其身恐重困兄弟遵父遺命終身供役江西賈某

托以百七十金賈歿踰年其子至即出付之封識宛然卒年八

十三祀鄉賢

徐廷試宿遷諸生明末寇亂母與弟婦陷賊廷試奮不顧身徒

步涕泣相隨賊義而釋之宿遷志

陳行可字玉沽宿遷諸生侍母病衣不解帶者三年嘗寓趙北

口有李世藝者賣妻償負行可贈以金妻得還後官鴻臚序班

人物傳

司台余州府志卷第二十一中

以疾卒於京師子一奇年十五徒步負櫬歸又有徐昌祚字柱元亦以孝友稱教弟昌正成名以拔貢官束鹿知縣

宿遷志

姚通宿遷人父母歿俱廬墓三年繼母亦如之嘗遇大水墓舍漂沒繫舟於樹晝夜號泣御史為表其門

宿遷志

張鵬性至孝祖母王病篤晝夜侍湯藥衣不解帶者兩月祖與父相繼歿廬墓三年母歿又廬墓子璣亦以孝稱初鵬曾祖榮自元時兄弟同居禁私蓄戒偏聽衣食必均嫁娶祭祀宴飲喪葬定為要束至明成化中裔孫賓賓弟崙猶遵守之男女二百餘人蓋自榮至賓崙同居已八世云

舊志宿遷志張賓八世同變見明史孝義傳序

羅鵬字雲漢宿遷人性孝友家貧力學舉成化二年進士授御史以祖及母迎養道遠乞改南臺後為江西僉事一夕夢祖病

即遣使持衾具歸祖果屬續遂用之人以為孝感祀鄉賢孫迥亦以孝稱任金鄉清河訓導

舊志宿遷志

臧篤生字天培宿遷諸生性恬淡數空匱不以介意事兄如嚴父終身不衰生平無疾言遠色奴婢有過亦寬宥之有盜入牖故作呼童聲令盜自退其謹厚多類此

宿遷志以上宿遷

劉簡魏柱袁得水廖萬李躍龍割股愈父疾陳守馬宸割股愈母疾宸孫永貴割脇愈母疾皆睢甯人宸諸生

舊志睢甯志

張淳睢甯人母亡事父孝家雖貧必具甘旨父或不食己亦廢食鄰翁田焚與父善食輒邀與盡歡父病家有園圃盡買錢以資醫藥又有彭繼泰十歲喪母蔬食三年既長力田養父父卒結廬墓左日嘗擔土培墳風雨即號泣拜護屏妻子斷酒肉者

三年云宿邑以孝子旌者正德時有諸生孫清清母卒時流賊犯境清守母柩不去賊義之不入其門鄰里亦賴以無擾有司

上其事立石表之舊志 睢甯志

王知止睢甯人性慷慨兄早世撫孤姪若己出事嫂甚敬高作

集人有貧鬻妻者知止捐粟麥助使完聚又有周宗輔其先代

歷七世未析居宗輔性友愛能守家法鄉人至今頌之睢甯志

李玉鉉睢甯諸生天性孝友養孀妹撫孤甥為鄉里排難解紛

邑有大利弊抗直敢言睢甯志 以上睢甯

國朝張聯璧字又白徐諸生父歿哀毀骨立服闋重違母側不

應鄉試伯兄嘗遭誣被逮慮為母憂破產以脫之弟早死子幼

無依召與同居及長分田與己子等有姊孀居而貧并孤甥迎

養於家舊志 國朝李光地張聯璧傳先生張姓聯璧名字又自

封樂善好施舉而篤於孝行者也父鳳鳴讓產諸弟挺身起素

生有異姿好讀書不避寒燠每於暑中衣冠坐深室手披簡

編汗流至浹背冬則積絮筐篋貯足其內窮日夜吟哦不絕口

誦習無旁雜義卓然以前修自期尤於敦倫立本處此間有虧

認嘗讀書至孝弟章掩卷歎曰人生大節只此兩端此間有虧

其他俱無足道聞者咸高其論年十七父卒哀毀柴立憂形眉

睫者三年服闋應試屬郡博士弟子人勸先生應鄉舉辭不赴

曰授科名為仕進地耳吾父背母寡正慮子職有缺無以娛萱

親向何榮名之足云以故先生事母不第謹定省之儀尤凡事

必承意旨終身不渝兄聯斗家督也無故中含沙幾陷於法母

慮之先生破已產奮力拔歸弟聯星幼力學不祿遺一孤曰燦

甫週齡七歲又失恃鬻子立母慮之先生置膝下撫育倍至

既長割之田視己兒無異同姊早孀甥少貧不能自存母慮

之先生迎養於家母心大慰飲水而己哀慕之誠三年猶泣出

告反面事死不啜溢米號泣飲水而己哀慕之誠三年猶泣出

粟就擒先生惻然曰若為饑寒所驅故至此大可矜釋之遣以

救貧卹葬活桑梓不可枚舉要皆念母之遺命擴母之善量

不以生死二者也提學諸君子聞之旌以額繡衣秦使奇其行

人物傳

同治徐州府志卷第二十一 中 三

特疏上薦以作忠為先生期甫奏先生卒年六十九歲都人士  
哀之莫不酸鼻生子五長拱極以明經出佐粵藩遷莒守所至  
多異政次壯猷孝廉次烟恩貢士次拱辰次向極皆諸生公姪  
燦太學生生子之麟壬子舉於鄉歷簡黔西總戎之麟字仁趾  
余門人也參南營時比余衙會言先生事最悉丁酉五月余奉  
命還朝舟次臺莊聞仁趾携其從弟正光來謁叩之正光燦子  
先生孫也時佐嶧邑有清聲余雅愛之坐頃出先生行狀旬余  
立傳余因問於仁趾者稔爰走筆為之贊曰先生之事親也生  
而愛死而哀久而思可謂孝矣然其友於兄弟德施鄉閭寢食  
詩書升聞朝野殆所謂立身行道揚名後世以顯父母者乎至  
其饗饗代起措筭盈庭又知天之報施非淺鮮矣余論次其事心嚮往之矣

楊枝榮徐州人幼失父母欲殉父死枝榮泣涕防護家酷貧減  
衣食以養母母終哀毀骨立又有諸生張賁事孀母以孝稱皆

順治十七年旌表

江南通志

李三禮徐州人七歲時親病叩天稽首至愈乃止長以例授廣  
東經歷不赴親強之行謬以他故返父病呼天求代及歿廬墓

側淚漬土皆溼竟死於墓所

江南通志

馬羲徐州人父伯奇選貢事親以孝聞羲早喪母善事繼母順

治十年秋膠兵煽亂隨父自南鄉入城遇寇父中創未殊羲大  
呼甯殺我毋傷父涕淚交橫寇歎息釋之去羲時年甫十六云

舊志

郭如徐州人年八歲父母死於流寇不知遺骸所在如依媼戚  
以長每思父母輒悲號刻木主朝夕奉事如生時閱三載具棺  
殮主以葬復廬其所三年頗讀書能文以親遭難遂終身不應

試年近百歲終

江南通志

谷應麟徐州人年十一喪父家貧學薙髮養後母四十餘年不  
懈婦死躬為母執爨母歿貧無以殮遂鬻身鄰家治葬具鄰家

人物傳

司台徐州府志卷第二十二中之中 五



感歎折券令歸應麟遂廬墓側日培土三肩雨雪不輟有司上其事旌表劉一鷗徐諸生事繼母王至孝王病嘗雪夜行禱知州和羹夜巡見而獎之一鷗性好善嘗捐田爲義塚毀已室以便行路壽九十餘卒又有李本延父母歿廬墓三年王業大明季歲饑母感時疫甚劇業大禱于天割股食母頓愈順治十四年母老病作藥弗效業大復割股以進舊志銅山志

周志濟字碩仁先世沛人父鐸始遷銅山之東鄉志濟性純孝父病籲天請代母病請減己算益之禱皆應執親喪泣血不見齒妻朱善輔其志里有雙孝之稱銅山志

李廷諒字正言銅山人太學生父病十年親侍湯藥久益加謹嫡母汪多病展轉床簀諒聞呻吟聲輒痛不欲生歿後哀毀盡

禮事生母張得其歡心友愛恭敬兄弟無閒言銅山志

徐儀字元範銅山人歲貢生有夙慧年二十始讀書不數年卽

有文名性孝友伯兄病瀕危時儀亦患疫起爲兄走百里延醫

家貧猝遭母喪走冰雪中三日夜衣棺始備手足俱凍裂族黨

悲之每朔望率長幼男婦詣祠拜謁必敬述先世遺訓有族某

重其行冬還以裘婉卻之人共服其廉介年七十七而卒銅山志

孫芳聲字澤長銅山人本姓李襁褓中出嗣姑母故姓孫善事

嗣母見者不知爲異腹子也好善樂施性恬淡不務進取以貢

生終子大任字季耕貢生有至性父卒時在下相得耗與僕人

李宣相抱哭卽返舟日夜不絕聲及抵家聲貌俱易家人幾不

復識旣葬親負土爲塚築室居其旁手植樹百餘株有羣鳥巢

人物傳

其上李宣者幼失父從母服役大任家誠實有幹才嘗以主人  
急事隻身走京師往返僅半月而事辦大任歿諸僕多投他姓  
宣獨不往其母死親負土廬於墓側及歿鄉人爲立碑塚上題  
曰孝子李宣墓

銅山志

張隨字子正銅山人父朝錦早歿事母石極孝石爲前太守杰  
之女家規嚴肅隨朝夕侍側母怒卽跪而自撻母輒爲霽顏

志

銅山

吳渭年字載文銅山人七歲父母俱卒依叔士滕成立遺產厚  
兄業中落渭年盡以己產讓兄授徒自贍有餘資盡濟親族之  
不足者郡守高其節欲舉賢良力辭不就晚年研究易理壽八  
十有四

銅山志

吳柯字振方銅山人族兄某無子家赤貧養生送死柯身任之  
歲大饑柯出穀糲粥活人無算又捐資鑿井造義渡里人德之  
胡繼良字萬貞家寒十六歲失怙乾隆丙午歲大饑自食粗糲  
而奉母必致甘旨母年八十餘患痢繼良籲天請代數日果愈  
有貧鬻妻者勸同人共捐金助贖之嘗典史姓地十餘畝史貧  
反其契不責償年八十九卒又有汪渭字振西事親務蓄甘旨  
有疾湯藥必親嘗年九十一道光元年 恩賜七品頂戴

八年卒

銅山志

拾紹允字繼伯徐州衛籍諸生讀書潛玩禮義所學以力行爲  
本父歿以哀毀致疾數年彌甚疾亟時流涕謂母曰兒不孝不  
能終事母也言畢遂絕

銅山志

人物傳

同治徐州府志卷二十七

七

舒士渾字宗閩銅山貢生父孝徵家極貧諸子四出謀食獨士渾躬耕養父父年七十病瘵便溺淋漓被褥渾親為浣洗晝夜侍養七年無怠容孝徵病久性戇稍拂意即喃喃罵以指捻渾渾低首順受歲連祲妻子厭糟糠或竟日不得食而父甘旨無缺妻私慙曰兄弟三人獨爾能耶渾怒曰咄悍婦余德薄不能化爾孝爾亦終不能化我為不孝也久之妻亦感悔

銅山志

權為濟字蘊既銅邑北鄉坡里村人父病嘗糞甘苦以卜吉凶母病籲天求減己算以延母壽病果愈母壽九十三歲為濟亦壽至九十二歲吳光詡諸生事父母至孝年逾七旬訓子孫必流涕述先人言行韓啟鑑字亮工諸生孝友端方居喪盡禮楊子竟貢生幼失怙哀毀如成人權臨字睿資太學生事繼母陳

能得其歡心與弟份極友愛王貞字元殿廩生幼喪母依繼母

盧成立極盡孝年十八父仕祁陽卒官貞辭母往楚南扶柩歸

葬娶婦楊亦克執婦道及母卒貞日夜號泣兩目失明

銅山志

吳尤銅邑民也性孝年十六隨父啟緒効力南河舟抵白洋河

父病篤尤割股以進竟不救旅次不能具棺乃抱尸哀號感動

鄰舟得貸金成殮以歸事寡母劉盡歡母患瘋癱晝夜扶掖哺

食飲溲溺污穢必親掃除之及歿廬墓三年九弟某夫婦早逝

遺孤甫二歲保抱攜持與其榻十八年如一日云滕準字景釗

父卒奉母色養無違偶外出雖甚風雨嚴更必歸母至八十九

歲歿準朝夕廬墓側董彪與弟魁躬耕養親父母歿廬墓李梅

臧永年侯世永俱父母歿廬墓李養重字厚福候選經歷李科

人物傳

同治後州府志卷之三十一

七

字雲生諸生皆事親以孝稱彪梅養重科又皆能恩撫孤姪無

異己子見稱於時云

銅山志

劉玉銅邑鄧氏奴也幼孤養於劉媪媪年六十病痿玉嘗背負以行媪性乖戾怒卽嚙玉項齒痕重疊玉終無怠意初贅姚氏姚父欺其愚鬻女逐玉與一半直令更娶玉曰吾母老矣何娶爲以其財爲母治良材或重價購之玉不肯卒留以殮母又有三孝子者皆鄧氏佃人一高姓二胡姓胡父年八十聾瞶不能動二子冬夜遞爲父熨足驅之不去二婦亦能承天意盡孝高父年七十矍鑠自喜家庭大小事必獨任子年幾四十不敢私一錢出必稟命伏臘宴會必頓首始坐高子名祥胡子名胡三

胡四

銅山志

王倣銅山人生周歲孤五六歲時忽問母曰羣兒皆有父兒父安在母泣告之倣大慟後每念父淚輒泫泫下及長有事他出雖深夜必歸數十年如一日母善病乃學醫遂精其術母歿哀毀柴立嘗念母苦節未得表揚日夜泣至嘉慶十三年始籲請當事奏准

旌表云又有吳博忠販豎也父早世母病痿不能動履垂四十年博忠左右就養飲食起居無不得其意每食一味甘必親進之其妻亦以孝稱邱蟠母華年六十餘大病忽思肉家極貧無所得肉乃持刀割左股以進母食之病遂愈

銅山志

劉廷贊字相臣銅邑東鄉杏坡村人九歲喪父哀毀如成人母年九十歿廬墓側肩土築墳兄子以蕩廢業兄卒無以殮廷贊

人物傳

司台余州府志卷第二十一

九

爲殯葬如禮寡姊孤甥恩養備至出已資濬房亭河一鄉賴之  
又有耿雲衢字遐福五鄉印家樓人馬成烈字英士縣東賀村  
人俱父母歿廬墓成烈家貧課讀於馬程莊相距十里親在時  
雖甚風雨必晚歸早出無閒親忌供獻泣奠終日水漿不入口

年七十八卒

銅山志

劉英銅山人兒時有與以瓜果者必袖歸遺父母及長以貧廢  
學遂躬稼養親其父母好聞古今逸事英構傳奇本於農暇時  
或風雨夕叩缶而歌音琅琅然以爲笑樂會年饑渡黃河傭工  
有鄰人來告以母病英卽歸及河無舟褰裳渡至中流幾滅頂  
幸客舟至救之得不死一日行二百里日暮抵家視母病已痊  
是夜親室火英宿室外排闥入先得其妹置院中又入扶其父

出復入求母火灼身無完膚或阻之毋入徒死英大言曰焉有

親在火內子在火外者乎卒躍入挽母母以無衣不肯出英號

呼抱持母從烈焰中出火觸處遍體焦黑惟露白齒救火者不

忍仰視次日晡時卒其母亦亡

銅山志

申于宣字周翰徐州諸生幼失恃事父及繼母至孝母病思食  
蟹嚴寒不能得宣解衣踏水求之果得蟹母食之愈父患瘡甚  
劇于宣禱神求以身代父亦愈侍親疾晝夜侍側數年未嘗少  
懈兄早歿遺子女婚嫁教養不異己子晚年讀書自娛足不窺

市卒年七十一

銅山志

韓奕字亦大徐州武生能文工書畫善詩父毓樞官浙江鹽大  
使卒官奕扶柩歸兄弟相繼歿家貧傭書畫得值養母後稍裕

人物傳

銅山縣志卷之二十一

三

買園於城南之黃茅岡奉母以居母病痿便溺床褥間奕躬為洗滌妻王亦以孝稱母歎謂人曰人病痿不經年死耳吾所以能久者恃兒與婦也奕甥王兆夢為川省總兵官屢有書招之以母老辭不赴

銅山志

趙世清字配瀛徐州諸生家貧父喜揮霍配瀛竭力奉養不怠又有陳方畧諸生居城西關韋友賢居城南關劉廷賓城東南小店人皆以孝稱韓毓杞字壽民事嗣父母以孝稱張守業事嗣母以孝稱世清廷賓又嘗倡修鳳冠山文廟置田以供祭祀

銅山志

劉源清母歐病割股和藥以進病即愈順治十五年旌劉邦英事母至孝乾隆二十二年旌靖仲連父母病籲天請代及歿負

土成墳乾隆二十七年旌吳京曾監生性至孝乾隆三十二年

旌又有楊允謨候選都司有孝行亦皆徐州人

銅山志

朱繼昌徐州太學生少失怙恃依祖父母教育成立祖父母病親嘗湯藥衣不解帶及歿廬墓

銅山志

趙燮徐州人父患癆嗽燮侍七閱月衣不解帶及病篤割股以進母病癱燮方在都忽夢母疾苦狀遂倍道馳歸醫藥獲愈

銅山志

李楷徐州人父煒貢生嘗應試金陵染疾歸楷聞而奔赴疾益篤楷泣侍湯藥每夕徒跣禱城隍廟祈以身代人稱其孝

銅山志

包謙候選州同兄弟三世同居趙永清字宏緒貢生八世同居皆徐州人

銅山志

人物傳

張元祿字紫詔呂梁洪人少孤家貧兩弟幼年祿投効河營養  
母甘旨必供後稍裕為兩弟置產俾各安業官銅汎把總所屬  
兵六十值歲歉多不能舉火元祿出所積按名分給皆賴以全  
活親鄰不足者時周恤之子五烈事繼母朱至孝官河營守備  
俸入悉貽諸弟煊官千總泰運泰涵泰純自有傳

銅山志

張默字重諾襁褓失怙乾隆二十一年六月合家患疫不數日  
母與兄嫂及妻子俱逝默携兄六歲兒基仰食雲龍書院凡六  
載同院者咸欽重之年踰三十始入泮有勸其繼娶者惡不善  
遇兄子卒不娶後為姪授室凡館穀所入悉付之年八十八卒

銅山志

楊廷蘭號香谷銅山人郡增生以捐辦郡義學議敘鹽知事父

德富事祖母及母以孝稱廷蘭少穎悟好學家故雄於貲德富  
嘗延四方名宿如濠州孫維垣藁臬魯壽祺廬江楊欲仁命廷  
蘭師事之故廷蘭所學益邃然生平祇一應鄉試遂絕志進取  
篤於孝友奉母不離左右讀書以敦本為務嘗曰六經為日用  
倫常之本不可斯須去也遭母喪哀毀不能支遂得痼疾致不  
起

王銘字警盤銅山人性純摯母病籲天求以身代病竟愈父在  
日為邑人某誣陷成訟幾不測銘負擔走冰雪中赴省訴冤卒  
得直以是家益貧自啗粗糲而寢門之膳未嘗缺甘旨嘗創修  
家譜置祭田族人稱之卒年八十一

董德容字華瞻銅山人廩生議敘鹽知事銜鄉試屢薦不售遂

人物傳

同治餘州府志卷之二

三

研究性理父文瑞

見義行傳

歿後德容哀毀成疾絕粒以殉

周峻峰字美成銅山廩生敦尚孝友弟士芬有疾峻峰親視藥餌晝夜不倦吳邵湖涸地數十頃請於官建鳳冠書院修造文廟母歿哀毀致疾葬甫數日卒

傅天璽字相卿太學生性友愛嘗讓宅於兄天長爲時所稱劉允安字鑑衡廩生盡孝於嗣母母年八十餘侍養終無倦容事其生母亦稱孝無間言又嘗讓產於堂弟某性喜施濟凡有義舉必贊成之皆銅山人

王樹屏字翰清銅山諸生性至孝出嗣叔某母鄭苦節撫育之及長事母能以色養常手寫雪天覓乳圖以助孝思工爲文善擬騷賦才藻稱一時

余錫齡字夢九銅山人恩貢生選授江浦教諭性純謹嗜學尤篤孝侍親病衣不解帶數旬不倦中歲絕意進取著書自娛尤好易嘗匯諸家說爲易解弟或夜分不歸錫齡必待其至始臥同治紀元郡人欲以孝廉方正舉錫齡力辭曰盛名難副諸君信我我未能自信也卒年五十七

蘇保山字玉洲銅山人事母篤孝兄弟四人有違母意者保山長跪母前俟母解顏而後起與人交無宿諾性恬淡不慕榮利以著書自娛卒年六十五又有楊德祺太學生事兄極友敬兄卒撫孤姪成立愛之逾所生里人稱之

張成基字紹九父煊官皂河汛千總署宿北營守備以孝友稱成基事繼母至孝援例選孟津知縣治獄明察而民以爲不冤

人物傳

同治新州府志卷之三十一

三



有青天之譽遭父喪號慟嘔血以終

倪秉信呂梁人咸豐十年三月賊至秉信守母柩不去被害賀景

麟下洪村人同治三年四月父舉英過賊傷而未殊景麟負之入圩

及圩破景麟侍父不忍去被害吳懷剛同治五年四月賊掠其

父昭將殺之懷剛奔救與賊鬪被害皆銅山人

楊廷芝字瑞圃銅山人喪父毀瘠至病咯血母患癱侍疾不解

帶鄉居數十年睦族和眾治溝洫修隄堰一方鮮水患焉以上銅山

朱鑲諸生家貧博學明末寇亂奉親避難彭城夜讀書晝樵汲

以供薪水父母病瘵治醫遂精其術藥必親嘗焚香露禱請以

身代親疾疾竟愈又有王欽典徐元徐起李士秀張承詔王詔

任觀湘孟科皆以孝稱欽典字公從基甯子父歿後以毀卒觀

湘母病嘗冬月徒走求醫雪深沒脛僵路側有虎負送至門科

貧無以養遇道人授醫方數紙為人治病多效得微貲供菽水

元字體乾乾隆甲子舉人喪母哀毀成疾卒起字際盛乾隆癸

酉拔貢父病不應廷試父迫之急飾己病以對父歿遂絕意進

取士秀字掄升家貧効力河營養父父病告歸及歿哀毀骨立

承詔侍父病不解衣帶者五十餘日詔父歿廬墓母焚其廬母

歿復廬墓又有吳國新字寰熙任鴻烈字淮編例貢生吳文獻

字瑞堂國學生胡士恕字貫忠恩貢生王召棠字惠思歲貢生

任汝明字服五歲貢生天長訓導皆早孤事母以孝稱吳執桓

字公九附貢生事繼母以孝稱徐豫歲貢生事親能養志縱毓

聰字聰惟監生孝友篤行皆蕭人江南通志舊志蕭縣志

人物傳

同治徐州府志卷第二十一

信

王棻字伯敬弟楷字仲謨楷嫡出也嫡不愛棻嘗毒飯以食棻楷知而先嘗嫡懼乃棄飯棻益盡孝楷飲食起居必與兄偕久之嫡亦化焉朱光珽字天摺有二弟不善謀生恒產蕩然珽以已貲助之至於再三無德色人稱所居里為交讓村云權峻字翼北謹之裔至峻始居蕭撫孤姪如己子延明師訓之郝樟字豫公諸生分己產以贍兄弟族人貧乏者恒周助不吝張洵字子信讓產於其弟後官樂昌丞攝曲江順德知縣所至講修水利以資灌溉民頌之皆蕭人蕭縣志

任國鑛字玉符蕭人純如子六歲喪母哀毀如成人事繼母以孝聞明季寇亂妻戴死難國鑛奉父母避居睢甯國初以恩貢授長洲訓導辛卯鄉試中式屢上公車不售時有

顯要欲招致之國鑛力拒再任青浦江都教諭內轉翰林待詔

掌院葉方鶚薦纂修明史以老乞歸蕭縣志

任鳳翽字翔千蕭人舉雍正乙卯武科事母孝與兄鴻烈友愛終身無間言性尤慷慨能周急值歲疊饑鳳翽出粟施飯歷四年無倦容蕭縣志

劉廣居字秉元蕭縣人性至孝父鐫患瘋疾及傷人繫獄廣居尚幼終日悲號請於母詣獄侍養凡數年不怠既而徒步至金陵籲制軍費公願以身代費公憫其誠許之父既出獄色養晨夕無間廣居為人慷慨好施予中年業陶朱家稍裕恤族黨周貧乏若不及而廉謹自守一介不取父被逮時家極貧窘日惟奔走負販內為母甘旨外供父橐餖有與以錢者辭不受泣曰

人物傳

不孝子免免父母凍餒而已若不由己力而受人憐滋不孝罪也聞者莫不感歎道光二十六年奉 旨旌表子葆光謹厚樂善有父風每有義舉輒倡爲之曰聊補吾父未盡之志耳咸豐間嘗捐麥一千石錢一千串爲軍需費酒帥王公時任徐海道亟嘉獎之云

鄭立本蕭縣人父相德嘉慶中以事戍西域立本時年四歲既長知父所在辭母與兄往尋瀕行母曰爾父左手小指缺二節中有橫紋見時以爲驗間關乞食半年許始至庫車詢軍籍無父名既而聞父在綏來縣時值張格爾之亂道梗乃裹糧循小徑入深山日既暮左右顧無人迹忽有物自南來大如象決行作電光瞥然北去遂迹之行比明乃回庫車路也運糧官趙某

見而憐之囑立本暫居同務主事奇姓家曰我轉饒回卽赴綏來當携爾行逾年趙不至遂復潛去夏日行戈壁中絕水掬道旁馬溺飲之飲而嘔嘔則復飲如是數日憊極昏臥有二番人騎馬過視之未死負至泉飲之始蘇復起行天山雪水崩下積潦縱橫褰裳涉之寒透肌理砂石擊脛骨痛不可忍良久始得岸厯哈喇河土魯番白羊河早達坂過天山至烏魯木齊抵綏來則父歿已久訪得墓於東山之陽哭絕數四初相德到戍西人重其行誼延課讀歿時門人共爲營葬至是聞立本來爭邀至家立本哀毀骨立病二年始愈卜日將行門人及中國人寓西域者咸會啟柩視之膚肉悉化惟左手缺指橫紋宛然遠近駭異上其事於官烏魯木齊都統牒沿途州縣給夫馬護送歸

母與兄相持悲喜葬之日四方之人奔走往觀蓋往返凡八年

咸呼為鄭孝子云立本為人不尚矯激之行而品概特高湘鄉

曾文正公督師至徐州檄召來見立本謝不至文正益奇之飭

府縣隨時存問同治九年卒年五十九國朝言啟方孝子筆歌

以冰天雪海風散之寒泉染以玉山懸圃日炙之祥煙蒙恬逐

兔老幕北對此敢謂能爭妍古來筆陣許橫掃畫荻勝擁盧門

椽何况燦花五色光燭天晴窗盥手試拂拭恍若孝子躡躡來

吾前我識鄭孝子不難其志難其年所居乃在彭城臨沛山澤

間厥父遠戍踰居延孝子甫十六隻身走窮邊母云汝父指缺

節汝謹默識無妄言西遼伊吾南抵于闐北搜烏魯木齊界縱

橫引路萬九千崎嶇八載經十死乃遇得無揮涕為爾述父

狀何以怪魃妖疢發視木已朽折指猶宛然得無遇者為真仙不

爾惟四壁門無關有母莫養心憂煎讀書畧識字他業誠泚顏

敢期熊郭天賜錢聊以筆估當畊田我思此筆豈凡筆用之不

慎成吾愈可書丁零帖可錄臣密言可臨石壇分隸序可補筌

詩戒戒篇可繕魯公請書上皇表可抹二惇二蔡請廢太后

心正筆正如誠懸驚天泣也蛟龍晚嘒太乙六甲降乎斗

形啖啖從德屋而下觀否則謂管城任頭禿春蛇秋蚓勿效

吳兒顛左皮孔子研右列文王紂三惡三沐更三鬻即真高閣

何尤焉元卿之銘一旦倘人夢令我亦陟大荒西極崑

崑嶺但求神藥壽爾母差勝醜金酬直與爾相周旋

崔之峻字凌霄蕭人歲貢生性純孝少孤賣餅以養母族叔巖

勸之學為結草廬居其母携之峻肄業雲龍書院厲志攻苦逾

年入泮食餼文名震一時非其好也一赴鄉闈不第遂絕意進

取奉母於草廬終其身齧滄來太守造其廬見其母坐紡之峻

左執經右捧饌跪以進怡然自得為繪窮廬奉親圖並立傳以

紀其事母壽逾九十卒之峻廬於墓側躬負土成墳三年不倦

時年已六十餘矣道光初元舉孝廉方正辭不就

王廣運字濟眾蕭縣人祖杲父胆世以篤行稱廣運性純孝父

母飲食起居必躬檢點自幼至老無一日怠侍病晝夜日不交

人物傳

睫焚香禱天乞以身代父母歿俱廬墓生平廉介自持足不履  
城市者數十年日惟諷誦四子書嘗曰人生體此而力行之足  
矣何以博爲同治初舉孝廉方正未幾卒

宮廣成賊騎入境廣成與父俱出逃賊追及以戈刺其父廣成  
持械衛之父得脫而廣成被害李廣祥與父俱爲賊執賊榜掠  
其父廣祥乞以身代賊遂殺廣祥而縱其父去紀學賢與父振  
山同刈禾遇賊及傷其父學賢以身蔽之俱被害王有標以護  
母被賊及傷死鄭履祥賊至執其父象占履祥求以身代賊殺  
之釋象占張友仁避亂時村寨扶母逃難賊及其母友仁以身  
隨護求代賊并殺之陳效穎與弟陳五避難奔城中途遇賊效  
穎前行數十步回顧弟被賊圍困返身救之弟得免而效穎被

殺皆蕭縣人

徐達泉字潤滋監生慷慨好義咸豐初聚眾禦賊鄉里人倚以  
爲重六年十月賊大至達泉新葬母聞賊好掘新塚達泉守母  
墓晝夜不去賊至詢知其故義而釋之母墓獲全

張夢九字與三蕭縣陶墟村人監生事母以孝聞母病侍湯藥  
數年無倦容咸豐八年九月賊至夢九負母逃難至村東之小  
山賊搜山母促之他匿則泣曰母在兒何往卒不去賊至欲殺  
其母夢九遮護賊怒鞭之見血遂並遇害子和尙在旁甫十歲  
亦被殺

楊成蕭東南鄉徐家瓦房人幼隨父母避難至江西界土棍某  
計殺其父而妻其母以成爲義子成年十三乘間逃歸爲人牧

人物傳

同治新州府志卷第二十一 忠

三

羊得錢卽購鐵鑄劍數年携劍復故處其母已死乃潛掘父骨裹而藏之乘夜邀仇於路刺殺之負骨歸後里人知之或稱其孝成泣而不答

王樞字倚山祖庚父瀚皆諸生有聲庠序樞兄弟三人終身無異財中年喪妻不再娶詰其故曰猶子承祀足矣且他人事親不如吾盡心也咸豐六年十月寇至欲及其母樞哀號乞代賊曰此孝子也遂並釋之未幾母歿樞哀毀成病期年亦卒張志凝字心一貢生事母篤孝母年九十餘每食必躬奉盤匱不委諸人尤敬行履言動必遵先民矩矱皆蕭縣人

孟傳棟字廷幹天性孝友兄弟五人中年析箸會歲歉各就食他方傳棟獨留養業木工養母承顏備至聞弟傳泗病寓嶺赤

足跋涉至嶺迎歸爲醫治兄嫂繼歿貧無立錘粥已產爲營葬撫猶子如己子年八十餘卒

以上蕭縣

張元黃礪山人性至孝值明末兵擾負父避亂道逢流寇以鎗刺其父元黃轉側以身庇之哀懇代死賊憫其孝舍去

礪山志

王世耀礪山鄉民也康熙五十五年三月鄰火延及其廬其母在室內倉卒不得出世耀奮身投火從烈焰中負母出遠近救者見世耀遍身火光肌肉灼爛悲不忍視俄頃其母氣絕世耀亦哀慟號呼而死

舊志

戚价諸生年二十喪母泣血三年服闋寢食依父膝下朝夕奉侍四十年無惰容父卒閉門守柩如存日劉煊諸生父一柱官南漚訓導染疾煊奉侍衣不解帶及歿哀毀骨立後又遭母艱

竟以毀卒高夢雷字禹門歲貢生侍親疾以孝稱黃昭候選州同七歲失怙事孀母盡孝撫孤甥至成立汪德民母病侍湯藥數十年無間母歿廬墓汪洪事母先意承志務得歡心母曹苦節洪竭力請建坊洪妻戚亦以孝著張中道諸生幼失恃事兩繼母俱能承歡有弟甫再周撫之成立養孀姊孤甥恩義備至向永福諸生事母李備極孝敬又嘗力請丁隨地派貧民賴之孫琦字韓侶監生事祖母以孝稱伯母朱貧乏助以己田三十畝堂兄宏無子養之終身戚維揚諸生事母盡孝與弟維垣相愛至老益篤皆礪山人礪山志

于履謙礪山武舉人事父及繼母以孝稱時繼祖母尙存奉侍誠摯有加撫幼叔幼弟至成立代爲置產終身無間言從征滇

南墾荒以勞銓守備請終養歸礪山志

關法祖字台孫昌祖字碩孫礪山人兄弟俱以孝友稱食息必偕或一人偶出歸遲必候之終夕其篤摯如此礪山志

汪鐸候選州同孝事繼母鐸子在滋亦有孝稱居母喪以毀卒

劉文燭增生性孝友諸姪孤苦文燭爲撫養授室割產與之葛

中麟廩生執親喪未嘗見齒曹廷賢字賓明事親孝敬備至撫

孤姪有恩設義冢義塾以恤鄉鄰壽至九十三皆礪山人礪山志

王方涑礪山諸生父病多年侍奉衣不解帶母吳病瘥甚劇方

涑禱於神忽有黃冠贈丸藥食之頓瘳人謂孝感壽至九十七

妻周亦盡孝又有黃天植候選州同事母亦以孝稱礪山志

郭運文字詔周歲貢生事母盡孝母老喪明運文侍養得其歡

又嘗讓產于兄恤親族振孤寡修黌宮設義學無不竭力爲之  
戚淑晚諸生性孝友母早歿弟妹四人皆幼淑晚與妻邵撫之  
成立爲婚嫁與弟同居四十餘年友愛無間陳錫齡事親至孝  
奉甘旨進湯藥必躬親不假臧獲親病衣不解帶居喪素食三  
年周憲章字斌儒諸生事繼母盡孝兄患癯艱步履憲章嘗背  
負之數十年不怠性好善立義冢設義渡煮粥食餓者壽至九  
十張孟純字誠復諸生九歲時父患病臥床褥二十餘年孟純  
左右侍養如一日及父歿廬墓妻早死孟純年未四十終身不  
娶馮堯錫妻早死不再娶親老子幼孝慈備至張運隆字來吉  
國子生父早歿母性嚴有所怒必跪而泣色霽乃起甥以逋負  
被繫運隆以己田代償之嘗作規過百箴以自警單鑑字茹齋

性孝嘗爲館師去家五里雖甚風雨日必歸省館穀悉奉甘旨  
已與妻啖糠粃而已母歿哀毀至喪明徐思皇諸生孝事孀母  
又嘗千里歸堂叔某之喪李士清事親能養志父好施與士清  
竭貲不吝伯父貧養終其身許遊兄弟同炊數十年敦睦無間  
房越諸生能體親志睦兄弟楊楨負薪養親甘旨不匱有友逋  
賦繫獄楨鬻產救之皆礪山人

礪山志

戚大正字端夫礪山諸生性純孝母死哀毀終喪不止恐父傷  
感猶時時暗泣旣葬望墓輒哭數十年不變家貧業醫養父備  
極甘旨偶他出寄錢鄰友處令日送酒肉于父父年近百歲正  
亦七八十輒作嬰兒嬉戲以歡笑之父死一痛幾絕居喪三四  
年未見其飲酒食肉有弟出外父命尋之不得後父喪畢卽擔



登往尋期以必得遂不知所終

錫山志

汪潤錫山人少失怙恃事祖父母以孝稱

錫山志

趙源字星發錫山諸生性敦孝友子弟有對奕者輒止之云奕必求勝是爭也兄弟而有爭心可乎時以爲名言

錫山志

賈煦錫山蒲蘆里人九歲時父宸棟遊學不返煦欲往尋母不許煦乃時時問行路人逾十年有自蜀來者云在峩眉山見其父煦卽號泣請往母許之鄰人左伯量者蜀賈也附之行至渭南左病欲偕返煦堅不從乃忍寒徒步至雞頭山路極狹踏冰雪墜澗中澗深數十仞爲樹枝所掛不死肢股俱傷蹣跚行日僅十餘里又遇山水陡發無所得食幾斃有野菜流至前撈食之抵峩眉徧訪父踪跡不得遇一僧云已下山逾年矣

在合州遂往合宿孤廟羣虎咆哮來禱以情虎俯首去至合復不得乃仰天號泣日呼父名行乞市中薄暮合人楊秀昌者見之告以父在其家煦躍然起秀昌導之見父相持哭觀者莫不流涕痛定議歸父忽病月餘父曰我病初起道遠汝且歸慰母來春我當返煦不得已先歸至途嘔血抵家已臆月過期父不返煦欲再往母曰汝過勞嘔血俟至秋未晚也煦曰父年邁路崎嶇兒當扶持之復冒暑至合迎父歸自是煦病愈重血不止竟以勞瘁死年二十六妻張無所出甘貧矢志孝舅姑亦以節

著

錫山志

趙燮字霞南錫山諸生博學善古文詩教弟然成名然後爲安東教諭卒官燮已老矣躬往安東扶櫬歸哀戚不任逾年亦卒

人物傳

同治餘州志卷之二

三

錫山志

胡壯猶廩貢生事母孝能先意承志家極貧而每食必奉甘旨  
王崧嶙諸生性至孝父母俱亡未及遷厝值水漲乃構木於叢  
樹中度板置棺其上晝夜哀號守護凡數月寢食俱廢水退始  
加槨而葬焉又有李罕黃六旬皆歲貢生以孝稱錫山人

唐安邦錫山武生成豐六年賊擾錫境安邦父宗方被重傷安

邦奮救力鬪死以上錫山

李從任豐縣諸生按舊志以從任為徐州人而張廷玉所撰李敏達墓志云豐縣人敏達家傳又云明初由

浙遷豐今從墓志及家傳以孝友稱嘗讓產長兄復為兄婚其二子其弟夫

婦死盜從任覓屍合葬成禮撫其女嫁之明末羣盜劫從任入  
神廟中僧識之語盜姓名呼為義士得釋瀕行見所掠婦女十

百聚他室從任語盜曰此皆良家女吾罄家資可得二百金向

汝贖之可乎盜曰可歸挾金去如言盡散遣之有江西友人家

燬於火不能自存從任迎其眷屬至徐經紀其生業子藻孫宗

靖並有至行自從任以下皆以曾孫衛貴贈光祿大夫江南通志舊志

孫枝芮字季長豐縣人事母孝明崇禎壬申城陷枝芮有兄四

人皆遇害枝芮獨守母不去及被縛大呼曰殺我誰養吾母賊

憐而釋之既得脫撫諸兄遺孤續其無嗣者迄今子孫繁庶豐志

渠家圻字世交豐縣人孝友純厚父老病晨昏謹視湯藥遺矢

衣被間必躬自澣濯友愛兄弟財物無所私遇談人過失者即

閉口不語子鎰鉅皆歲貢有文名從弟家坊字廷表好讀書以

才識見稱家堅字廷垣父焜殉壬午之難事母以孝聞家垵字廷獻諸

生家堅字廷則太學生皆能扶孤濟困鄉人賴之家坊子鈞字  
汝重由貢銓宿松訓導辭不就遷於學前令王聘修邑志鐫字  
汝器以篤行稱家庠子鑰辛酉武舉有父風家坊孫珩邑增生  
父病衣不解帶者三年人稱孝子豐縣志  
董其正字子正豐縣諸生九齡失怙與後母相依家貧授徒供  
養甘旨無缺遠館不能晨昏朔望雖風雨必歸待異母弟友愛  
篤至課子孫嚴有過輒加箠楚母或爲之解卽改顏承順母年  
九十有六臥病其正躬侍湯藥衣不解帶者三月及歿廬墓側  
負土成墳豐縣志

史維岐豐縣貢生九歲喪母哀毀如成人繼母張遇之嚴維岐  
奉侍彌謹張感其孝遂加愛焉雍正八年歲荒河工督民辦料

甚急維岐籲請當道得免邑人德之子翼鵬字扶萬諸生舉孝  
廉母病翼鵬衣不解帶數年如一日乾隆十一年河工復有辦  
料之役翼鵬與從弟以張高元璠謝國棟孫恒力陳其不可事  
竟不行元璠字貞菴國學生豐縣志

李時字懋修少孤貧母病日失明時年十六每夜泣涕禱天晨  
起漱口跪扶其母以舌舐之不三月日復明母歿廬墓壽至九  
十三孫珍字碧玉孝養父母能竭其力豐縣志

鄭允恭字克讓豐縣人父娶後妻而憎恭恭率其妻敦行孝道  
母感悟撫躬如己出恭又嘗讓產於異母弟舉孝廉不就豐縣志  
王行健字乾行豐縣人弱冠以能文顯戲就武試試輒售旣而  
棄之又試文場亦冠其曹以父病遂絕意進取事繼母誠敬倍

人物傳

司台余州府志卷第二十七中之中

七

至友愛異母弟終身無間言又有孫珍渠燦董去競孝友篤行里人稱之

豐縣志

董昌年豐縣人幼有膽力順治間湖寇掠豐北境一日圍昌年父母於村中昌年在外聞難單身馳救蹈而殞賊亦懼而去父母竟得全張漢字子儀諸生父弓明崇禎間爲人所害漢寢戈枕塊者十年天下既定乃泣血鳴冤斃讎於獄邑人壯之金奇生字君常諸生崇禎壬午之變賊執其父將射殺之奇生年未十歲數以身蔽父引弓者惻然舍之去後父歿事繼母以孝聞

豐縣志

渠養嗣增生父患足疾出入追隨杖履跬步不離二十餘年如一日張琮事親至孝親歿築室墓側出告反面一如生時趙永

濂事親以孝稱皆豐縣人

崔曰衡字湘陵恩貢生父病禱於神欲以身代母早逝事庶母甚恭程應運字際五諸生事母孝母病甚號呼籲天求以身代疾竟愈邵陵字貞美諸生家貧而奉親獨豐友愛兄弟又嘗還遺金壽近百齡張守義事親色養無違年五十親怒跪而受杖與弟守禮並以孝聞守義年近百歲守禮亦壽至八十九董長齡字鶴年考授州同史龍光字物華諸生二人事繼母皆以孝稱陳錡字翼唐拔貢生性孝友甘旨之奉雖極貧未嘗少缺生平館穀所入悉付二弟無所私孫愚字古直凡事秉命於兄不敢以一錢自私王文宸張鴻臣單德燭皆讓產於弟李澤字克長嘗讓產於姪澤弟澳字武修澎字湛露皆諸生亦以篤行稱

人物傳

司台余州府志卷第二十二之中

三

孫長泰五世同居文宸德烟澤皆諸生長泰監生豐縣人豐縣志以

上豐縣蔡堯弼諸生天性孝友子錫範由廩生授州同知事繼母以孝

聞母歿錫範已嬰疾猶朝夕號痛三年不見齒錫範子亮采諸

生以慷慨好義見推鄉里劉美昌武生事母孝母年八十不能

食命妻為哺乳郭鴻儀字六羽親有疾侍湯藥衣不解帶親歿

毀瘠嘔血至死郭禧字祉如貢生母病痿十八年侍湯藥不懈

歲歉減價以糶嘗修學宮及飛雲橋邑人稱之張我愚諸生事

母以孝稱皆沛人沛縣志

張之典字元式沛人少孤事母至孝長為諸生以能文名邑人

慕之或延至其家授徒數日輒辭歸不忍離母側督學使者將

以孝行舉之之典固辭乃止晚為東流訓導以禮讓為先諸生

化之告歸年八十三卒沛縣志張廣文傳張廣文諱之典字元

族必曰曉明寺張氏云廣文天性真摯少孤事母以孝間年十

九補邑弟子試輒高等家故饒不假教授為生或重其文行強

延之居纔數日如違定省數年者意忽忽如有失中夜起行強

而廣文之孝益有聲會督學使者試淮徐僉議以孝行舉議既

上廣文問之則惶恐謝不敢當當事者益重之然重違其意不

果題初邑中每歲僉里長任事者輒至破家邑某例不應役邑

大夫將脫之顧嘗重廣文欲得廣文一言乃免某承旨懷金為

壽廣文為言得釋矣越日携酒詣謝廣文與飲盡歡某挈榼歸

則原金在焉某驚且感為傳頌於邑中而廣文則自諱曰無之

年逾七旬司訓東流教士以禮讓為先諸生化之無爭計者在

任三年以老告歸舉鄉飲大賓卒年八十三子其猷孫某皆名

生諸徐登龍沛縣人性純孝幼喪父哀毀盡禮事母晨昏無間長好

施予修橋濟涉助人婚喪善事甚多沛縣志

人物傳 司台余川守志卷第二十一之中

宋宗達居北橋擒逆執其父敬溪宗達聞而奔救又給賊以知藏金所賊釋敬溪索金不得被害祀昭忠祠姬正品居姬莊賊至奉母入寨中途為賊執正品泣訴母老願殺己以代賊釋其母而正品遇害王召南咸豐十一年四月父雲漢為擒匪陳大剝二剝所殺是年九月賊又至召南聚集鄉里少年數十人乘夜潛入賊隊殺大剝二剝又有於啟樂於繼亭皆以救父為賊所殺於啟英以救母為賊所殺皆沛縣人

以上沛縣

盧起鼇邳州人三歲喪母事繼母極孝篤愛兩弟雖貧約凡父意無所不承順父鳴鑾卒時年已百歲矣起鼇亦七十哀毀骨

立

舊志邳州志

鄒明玢邳州人母田年八十餘病疴不起明玢跪禱雪中雪深

沒脛單衣寒噤神志哀悚諸子勸進飲食明玢不顧越七日母病良已強健倍常時人以為孝感所致州欲旌其閭而明玢不受也

邳州志

崔長生生而暗性至孝人呼為啞孝子云孝子既啞手復攣為人傭以養其父母出入必面會歲大禮行乞於市市人憐之子糠粃糝糲受而納諸簞顧不食而自掘野草剝樹皮食歸則扶其跛父病母茅簷下傾簞中物歡然以進也父母竟賴不死途中見字跡必拾朔望拜焚櫛屋門下而斂其燼投諸河一日得遺金待失者月餘不至乃易一母彘飼之彘大蕃息遂為父母治衣棺先是知州事孫侯賢卒於官孝子獨拜送百里外父母歿慟哭三日不食葬之中野去不知所終

虞初新志王潔啞孝子傳

人物傳

司台余州府志卷第二十五

卷

陳夫瑤邳州趙莊社人母亡不娶竭力養父父又亡前後蔬食六載廬墓四年乾隆四十一年大水破隄風拔樹夫瑤獨居廬側不肯去州為請旌

邳州志

夏景行字仰山邳州人有至性母室嘗夜遺火驚而寤火盛人莫敢前景行袒衣冒火入室負母而出里有邳姓者驚其妻已得值矣妻呼天而泣景行知之為贖其妻景行他行事多類此

邳州志

程學典邳州衛諸生母病躬親湯藥比卒痛絕復蘇廬墓一載人不見其笑容

邳州志

閻榮國邳州劉義墩社人年十六母病衣不解帶及革呼天求代又自齧肩肉和藥以進終喪不就私寢日偕其兩弟撫卹倍

至

邳州志

張久瞻字服疇邳州人十一歲父母相繼逝與兩兄同居四十年恪循弟道善岐黃尤精目科

董友儀邳州人父士準官亳州都司戰死

詳見忠節傳

友儀聞訃蒲

伏哀號往尋父尸三反不能得悲憤絕粒十五日卒事聞旌表黃琰邳州人有羸疾而兄玲弟琛相繼歿琰痛極血出如湧少頃亦卒妻陳自縊以殉見列女傳

以上邳州

王士林宿遷人居黃河灘正月河水驟漲室中積凌數尺士林倉卒負母出昏黑失道及得船母生而士林凍死又有孫爾賢者火中救父

宿遷志

王一鳴字文波諸生居母喪哀毀幾滅性事父定省侍膳必肅

人物傳

同治余州府志卷之二

長

衣冠終身不倦王懷遠字來靈諸生少失母事父能養志有姊  
早寡迎養為立後恩義兼至王允遠字嗣蕃事母孝撫愛幼弟  
臧維來諸生陸奮勇諸生二人皆能事繼母人稱其孝又嘗讓  
產於弟程科力備事母備極孝養居母喪以毀卒皆宿遷人

志

王賓熊卓百揆陳寓宸臧煜沃昭爽鄧殿華朱彥清陸雲青王  
世處俱父病割股蔡鼎鉅卓允符朱昌裔張明楊得營羅宏化  
葉雲暉母病割股羅藻母病嘗糞割股朱孝先母病嘗糞孝先  
病其子兆熊亦割股黃文鳳母病與妻耿同割股周合儀力廣  
運俱母病割股邱士俊父母病俱嘗糞蘇勻祖母病割股煜百  
揆諸生允符歲貢生孝先兆熊武生宏化監生皆宿遷人

宿遷志

志

張我知字先民宿遷人父母病終身侍湯藥不倦禱神願以身  
代居喪水漿不入口者旬日後以歲貢授臨洮推官未之任  
蔡可任字希尹宿遷人居母喪不茹葷不入室者三年破家以  
救兄難得遺金百坐俟其人還之

宿遷志

穆應龍宿遷人家貧力耕養母凡母所需必如命至妻忤母應  
龍斥之妻自縊死妻家苦其母遂終身不再娶日為母供炊爨  
澣衣滌器母年九十七猶康健云

舊志宿遷志

惠景緒母何別嫁董董亡景緒迎母歸養家貧賣漿以奉母母  
年八十不能動履景緒背負出入妻厭苦之乃出妻妹偶至不  
勝煩數日即去而景緒事之數十年如一日母年至百歲

宿遷志

人物傳

宿遷縣志卷之二十一

七



高晤字尚友諸生父踰駢棄家入山晤尋父遍歷險阻四十餘年不可得歸築室母墓側額曰望親廬舊志宿遷志

高以柔字惠遠宿遷人父獲罪被收以柔時年十六願代父入獄叩頭流血有司疑人所教研詰知其誠許之又有王特秀者弟獲罪特秀憫弟無子自請代抵死獄中宿遷志

徐儒棟字梗南宿遷人年十二侍母病歷二年晝夜不倦事繼母亦如之嘗讓廣宅於弟自居小屋後精於醫為人診治不受餽年九十乃卒

陳又新諸生性純孝以母在不忍暫離遂輟進取嘗焚牒於神願滅已算以益母壽母歿又新已老矣猶哀毀如不勝生平操履不苟日晝功過格以自檢里人有敗行者惟恐又新聞之葉堃諸生授徒養母年三十餘不應省試析產時悉以良田讓兄卓長清字得一太學生以孝友稱析產時以美者讓弟弟田後為沙所淤長清田乃更腴又悉分以贍弟朱玉珏字雙貝其父與伯父析產珏為父言伯父多男大人止珏一人無用多產他日猶子貧變於心未安也父奇其言伯父後以田荒困租賦玉珏又代輸之皆宿遷人

蔡聿暘字春谷諸生早孤侍祖母病七晝夜不假寐母病癱瘓飲食便溺一日夜至數十起聿暘躬任之凡九年不倦母歿號泣如嬰兒衰絰草履幾歷寒暑生平言動必準禮法人以篤行君子稱之陳景曙國學生侍母病飲食湯藥必躬五年如一日父年老喜與鄰里游晏景曙先意承志招致戚好無虛日以是

致貧乏不恤也以孝行旌陳懿涵字鏡湖父母病數月不解帶  
官舍山教諭有廉介稱又有陸從遠張建寅張建孚朱錦聯張  
筠鮑中篤熊魁雲馬秉仁皆以孝行為時所重皆宿遷人  
郎大經宿遷人性至孝父患咽隔醫藥不效聞茅山大師能治  
異症乃偕老僕步行往求冒暑歷崎嶇數日始至山中有老道  
士引入石室大師跌坐眉長數寸覆目如簾大經跪陳來意半  
日許大師徐曰汝父壽已滿盍亟反大經痛哭哀懇不去迨日  
暮師又曰鑿汝誠可取韋陀井水飲之大經退向道士乞得瓦  
缶循山西行里許有亭翼然中塑韋陀像像前一井俯矚之皆  
井也大驚跪禱良久泉忽湧出掏出盈缶轉瞬已涸歸進於父  
病若失人稱其孝感云

馬淑介宿遷人性至孝事祖父母及父母能先意承志父性嚴  
終身未嘗稍違顏色侍親病衣不解帶者累月歿後廬墓終喪  
不歸待兄弟姑姊妹曲盡友愛鄉里稱之

林曰希宿遷人性純篤與兄弟友愛天至兄弟或有違言則於  
父母神主前盥手焚香長跪自責以己之不能勸導遂慟哭不  
止兄弟咸爲之感悟式好終身不渝以上宿遷志

劉履和睢甯人弟履吉履坦履坤皆諸生父在時爲析產父卒  
後兄弟復同居相戒不聽婦言家政糧差及訓課子弟各有專  
司鄉里推爲義門睢甯志

全翹睢甯人膠寇破城眾各驚逃翹祖母邛年八十餘翹與妻  
張扶掖而行賊突至將殺邛翹夫婦泣跪環抱以身捍乃賊怒

殺邨併及翹張亦投井死唯甯志

陳廷珍唯甯人父岱官河標遊擊以罪戍烏喇廷珍間關隨侍至塞上奉養能先意承志使岱忘其遠戍焉後賜環復官廷珍杖履追隨數十年跬步不離過其里者呼為孝子鄉

卓則棠唯甯監生母武早卒繼母徐撫如已出而督之綦嚴母怒則棠輒跪而聽命必解顏始起入塾讀塾師獲果與之食受而藏之曰父母尚未食也母病躬侍湯藥歷數寒暑不倦母恐其勞揮令去不忍違母意退立窗外移時乃復入母歿號泣不食嘔血父病歿亦如之先是其父慶麟官唯甯城守皖寇至命則棠隨叔往宿遷時年甫十三牽衣不去父怒叱之泣曰父母在此兒焉往強之誓死不行

龔肇鵬唯甯西竹城社人天性篤摯事祖父以孝稱祖性嚴厲人不敢近肇鵬獨朝夕不離左右飲食卧起必審其溫清之節使得宜使令不避艱阻數十年未嘗少違其意祖嘗謂人曰此吾順孫也

龔迺疆唯甯西北鄉人母朱早亡繼母夏生三子二女迺疆友愛逾恒父老以家事委迺疆迺疆為弟延師傅使妹習紡織及長為之婚嫁無不當父母意家貧食指多而父母每飯必具甘旨有所嗜必力致之父盲年九十餘與繼母相繼逝迺疆哀痛幾不欲生不飲酒不食肉不處內既葬廬墓三年田畝悉贍諸弟而已無私焉

孫寶唯甯人兄璿誤傷人寶曰母老需兄侍養我年幼未娶願

同治徐州府志卷第二十二  
代抵罪讞成充廣東軍未幾赦同年至八十餘卒又有邱澤臨  
歲貢生授滁州學正不赴與弟同居數十年友愛無間邱澤存  
廩生讓產於弟邱澤鵬增生讓產於兄事兄甚敬數十年無惰  
容王光斗歲貢生王凌斗監生皆以孝友稱以上  
睢甯

候選訓導崔丹桂校

同治徐州府志卷第二十二中之下

人物傳義行

明張成周福何成謝玉正統五年各輸小麥一千一十石賑貧  
乏詔旌義民又有許嘉賓嘗出粟三千斛賑饑同時李遂徐良  
才馬思恭孫桐李養氣張洋劉緒馮應科皆出粟賑饑事聞賜  
冠帶許嘉賓者字承宴與弟嘉宿同居六十餘年人稱嶂山孝

友云皆蕭人蕭縣志

朱輓蕭之仁壽鄉人成化壬寅山東盜起剽掠將及蕭蕭人多  
避徙州境輓載麥八百斛以濟乏食者邑人至今德之又有縱  
敦正德初年值歲凶敦出己囊以貸逋負無慮千金王佑字廷  
弼亦多善行敦佑皆樂善鄉人張科萬曆四十四年出雜糧為

人物傳

同治徐州府志卷第二十二

粥賑饑崇禎九年亂後與里人徐士鳳埋枯骨千具吳惟宏字  
任字官指揮晚告歸嘗助役長縷二隄為鄉閭保障王國賢字  
仲裘太學生陳忠愛字肖愚縱堪字峻崖俱能輕財好施人稱

善士云蕭志舊志  
以上蕭縣

楊開泰字達六碭山歲貢任上元教諭年七十歸值流寇掠碭  
命子端尚勿避百計措置出穀以給守者城賴以全又有苗興

王景祥崇教坊人王都東張社人胡榮段莊社人范深雙溝社人高成毛福榮許泰

王全周良輔等均于正統六年各輸小麥一千二百石佐助賑  
濟全活甚眾賜教獎諭旌為義民碭山志以上碭山

崔大鷗字南溟豐人性恢廓好施予里人某病歿京師大鷗為  
具棺衾資送還鄉代償負二百金後官宛平丞人稱循吏子連

雲字雲橫諸生工為詩賦古文與異母弟齊雲際雲友愛無間  
大鷗歿于京師時連雲方應試江舟感夢疾歸至彭城果聞訃

際雲諸生亦以慷慨好義稱豐縣志

孫芳遠字秦陽豐諸生性孝友邑有差徭芳遠獨任之俾兄弟  
肆力於學又有董綵陳邦瑞者皆置義田贍族綵字實亭亦諸

生舊志豐縣志

史曰俞字汝翼豐諸生性嚴正不可干以私而周濟貧乏無吝  
色從弟濬字齊美敦睦宗族曰俞死濬代經理門戶教其子讀

書有成里人稱之豐縣志

孫榮李楨成化五年各輸粟千五百石賑饑榮字世華同爨五  
世鄉人稱之豐志又言其讓產於弟祀鄉賢又正統五年邑大饑有李鑄張祥

人物傳

胡祥孔僅翟成王舜舉李保周興甫侯宗祿秦儀各輸麥千五百石助賑詔俱旌義民又有鞏璜字振玉當歲歉時百姓逃匿璜捐貲為納閭縣漕逋人感其惠皆豐人

舊志豐縣志

王佺趙通以縣城改築華山居民里社皆在新城之西有遠至百里者輸納多不便佺通控籲當事歷十年始獲復還舊址云又有朱舉居柳毅坡嘉靖中河決為里人貸賦董遵法隆慶三年邑罹河患遵法赴愬於漕撫極陳災害得蠲租三載後為忌者所中繫獄百端折辱遵法處之怡然又有諸生薛道炯李秉中岑兆莊黃慎行渠煜皆能孝友篤行施惠鄉里為人所稱皆

豐人

豐縣志

孫寅字時正豐人嘗設義塾引鄉里子弟共學多所成就子班

字序卿官訓導工詩善飲酒班子繼志字維則以歲貢銓海州

訓導升教諭性篤孝母以毀卒

豐縣志

史萬書字獻彤豐諸生事繼母彭至孝時肅民佔豐田而責豐民納糧衛軍買民地不應差酒淺夫額外幫貼為邑弊政萬書籲當道為除之子垂憲天啟中選貢工文翰與宗人文燧有雙鵬摩雲之譽皆早卒文燧字五聚崇禎閒舉人

豐縣志以上豐縣

馬文重沛漢臺里人力耕致富慷慨好義邑人稱之

王守仁馬文重墓誌

銘沛漢臺里有馬翁者長身而多智涉書史少喜談兵交四方之賢指畫山川道里弛張闔自謂功業可掉臂取嘗登芒碭山左右眺望嘻吁慨時人莫測也中年從縣司辟為掾已得選忽不愜復遂棄去授登仕郎歸與家人力耕致饒富輒以散其族黨鄰葬死恤孤賑水旱修橋梁惟恐有聞既老乃益循無疾而卒長子思仁時為鴻臚司儀署丞勤而有禮子既素愛之至是聞父喪慟毀幾絕以狀來請子銘又哀而力遂不能辭

人物傳

同治徐州府志卷第三十二

三

按狀翁名珍字文重父某祖某曾祖某皆有隱德子男若干人女若干人以某年月日葬祖塋之側為之銘曰豐沛之閭自昔多魁異材力若漢之蕭曹使不遇高祖乘風雲之會固將終老其身於刀筆之間世之懷奇不偶無以自見於時名湮沒而不著者何可勝數若翁者亦其人非耶然考其為迹亦異矣嗚呼千里之足困於伏櫪連城之珍或混瓦礫不琢其章於壁何傷不駕以驤奚損於良鳴呼馬翁茲焉允臧

甄鑑周防李卓王原蔣榮張麟馬士雲黃成龔成黃智卓旺周成俱沛人正統五年輸麥賑饑奉救旌表沛縣志以上沛縣

張義葉斌邳州人義於洪武初為大塚瘞境內骸骨暴露者後成化中大疫死人無算斌又捐地為義阡瘞之又有岑伸暉高

興葉旺高宗泰輦得海五人見明史考義傳序伸暉作伸暉正統五年以輸粟賑饑旌表建尚義坊邳州志

紀佐字尚輔邳州三父社人嘉靖中大水佐出粟三千六百斛全活甚眾州旌其門饑民或相聚為盜佐有勇略州委以督巡

所向有功入為太醫院官邳州志以上邳州陳琮宿遷諸生年四十無子母為買妾詢知為鬻以贖父罪者

琮憐而還之不索直宿遷志臧守字嗣泉宿遷人家殷富時浙有礦盜邑令催課助浙饑甚

急曾祖昇欲為代輸守力贊成曰孫賢自足衣食不肖留此無益昇喜遂助饟八萬追呼得緩王姓與守有隙適以事逮獄獄

卒欲斃之以告守守不可又多方為昭雪王竟得生舊志宿遷縣志蕭選正統辛未兵亂人或溺死選乘舟救十餘人嘉靖癸未歲

饑選又煮粥賑之季官萬厯間歲饑施粥以賑高昱輸粟賑饑陳邦偉萬厯二年載麥二萬斛賑山東饑晁世興萬厯四年出

人物傳

千金助築城皆宿遷人

舊志宿遷縣志

李田善騎射嘉靖閒嘗從征海上居恆好客一日客遺金三百於其室閱三載復至舉橐歸之李安業巧自給為人治墻獲藏金二百悉歸其主朱一鴻家甚貧其子檢遺金一囊鴻出訪其人還之皆宿遷人

宿遷縣志

徐景成化丙戌辛丑連出粟四千石賑饑張興正統八年出粟千石賑饑楊仲達出粟五百石佐賑張瑾正德六年出粟千石賑饑陸通出粟二千石佐賑皆宿遷人

宿遷縣志

孫廷玉字美瑕宿遷諸生勇於為善明季差重役繁崇禎十一年廷玉叩闕陳九事乞敕嚴禁疏下部議部臣科罪以聞特旨贖免事下撫按查核格不行時論惜之又有徐志清方廷珪徐

克明姚鵬舉四人者在天順閒以齒德為鄉里所推事有疑難輒為敷陳剖決稱四老而不名云

宿遷縣志

賈起鸞字天翼宿遷歲貢性孤介與人處斯須必敬鄉里無少長皆愛之

宿遷縣志

周虎臣字公嘗置義產贍族人又代親鄰輸逋賦人稱其義張一芳字培一崇禎庚辰歲大饑設草舍為粥糜以待餓者出資修蔣家店路二十年始成行人便之一芳姪國銘亦以樂善好施稱王定遠崇禎閒兵餉急邑民大困定遠助餉千餘金追呼為稍緩民德之皆宿遷人

以上宿遷

沈彥禮趙翥周彥民正統中歲大歉各納粟千石賑饑睢甯人

舊志

人物傳

同治徐州府志卷第三十三

五



魏夢豸睢甯人崇禎十四年為同里村社償逋欠百餘金又輸

銀助築城工云舊志睢甯縣志以上睢甯

國朝王朝棟字屏翰徐州貢生敦行孝友事寡嫂撫孤姪恩禮

備至邑舉孝廉方正固辭捐修雲龍書院荆山口橋桑梓重之

卜洪志字心齋銅邑北鄉人八歲失怙繼母陳遇之嚴洪志能

以色養性尤慷慨親族鄰里喪葬無不仗助之年九十一歲無

疾終銅山志

劉守英字俊公徐州人天資散樸族子某貧苦常周恤之後以

疾亡為養其婦俾全節以終立泉河韓莊瓦莊義渡趙中棟事

節母盡孝周急恤貧人稱長者杜大千黃璽劉允清均以好施

稱璽嘗修田家河橋銅山志

左良弼徐州貢生兒時逢母怒即跪求解人異之長而敦厚州

牧延致修城歲荒復委查賑平糶瘁心力不懈又有張道淵性

孝友修譜建祠族人重之李達字豁庵翰林院孔目性孝嘗捐

資助雲龍書院蔡文祥趙璉皆以孝友稱銅山縣志

李桓字文毅楊有源字筠壑銅山人嘉慶十八年滑匪滋事皆

能捐貲募勇保固鄉里桓於嘉慶二十三年年八十餘蒙

恩賜粟帛有源嘗出貲助雲龍書院膏火云銅山縣志

方維翰字屏周原籍新安沈純敬字聖躋原籍吳縣皆以上世

遷徐之雙溝鎮遂為銅山人皆喜讀書樂施予敬孝友同郡某

赴選困不能行維翰以五百金贈之雙溝地濱大河遇異漲維

翰出己貲僱夫防堵得無恙修學宮學署蘇隄維翰皆先輸助

人物傳  
司台徐州府志卷第三十三 六

歲歉維翰煮粥給貧窮卒年六十純敬弟純讓出嗣伯父產甚薄純敬始終同居無閒言撫兄純威二女爲遣嫁鄉里乞貸者無不應後家中落值歲饑純敬尙出粟助賑云

銅山縣志

孫文蔚字振宇世居銅山北鄉之堦城父大本武舉文蔚幼讀書一二遍卽不忘工詩弱冠爲諸生嘉慶初河再溢弟某莊圯于水文蔚爲別起宅親族婚葬無力者仗助之甥王大宣幼從母寄其家爲延師令與子運錦共讀後俱爲邑名士潘冠字元文歲貢生性孝友家貧爲菜傭養父族伯某卒竭力爲營葬人多義之張朝錦字霞扈歲貢生歲饑出粟數千斛分給貧乏

銅山縣志

吳方榮候選州同性孝友樂善好施嘗爲里中排解爭訟人推

重之張彥珍嘗延師訓族人子弟多名李俊字又俊諸生孝友敦睦出於天性開義塾設義渡造橋梁施棺槨衣柳藥餌爲

之不倦皆銅山人

銅山縣志

張之麟字仁趾聯璧姪孫

聯璧見孝友傳

康熙間武舉以守備効力河工

累遷貴州威甯鎮總兵以疾歸之麟歷官有聲尤加惠鄉里徐東鄉數罹河患田湮没人多流亾之麟出麥數千石濬渠洩水人還就工全活頗眾又疏房亭河倡築花山口黃河子隄汙田盡成沃壤又州人有程一順楊洽者順治四年歲饑一順捐貲煮粥偕妻孟氏躬視炊爨所活近萬人洽監生幼失怙恃事祖父母以孝聞康熙四十八年水荒洽出穀數百石賑貧乏洽子娶妾方輿至家詢知有夫卽還之不索值其後徐文魁韓永蔭

人物傳

同治餘州府志卷之三十一

丁瑄崔詠皆以任恤樂善著聲文魁值郡饑疫捐貲施粥藥棉

衣存活萬計其死亾者施棺永蔭立義學於署蘭山村又割己

負郭田十五畝為義冢築城西南路於瀦水處建橋以便行人

善行尤著云舊志銅山志國朝徐用錫張之麟傳張公諱之麟

鳳鳴素封好施有隱德祖聯星力學早世父燦太學生崇義誦

財豪俠聞遠近今以公貴贈皆榮祿大夫公生而穎慧善記誦

利改武列奇之士論時出意外人稱異焉戊申應童子試文戰力

樞曹旋居艱哀毀骨立除服考滿授守備己卯効用河工辛巳

張大司馬視河委攝葦蕩營游擊與開舉彈悉諮於公公論人

言事無相參錯深任之鹽泉孔文泰橫踞海澨官兵莫誰何公

軍舟入其巢招之降惟揚監司聞而嫉之篡其功不遂加以毒

害欲置之死矣未春歸至都特授北營游擊許其時入見且

官屢顧問奏皆稱旨載歸於脫迺營擊許其時入見且

除事蓋以鎖鑰之重任公穎於脫迺營擊許其時入見且

術操縱摘得伏器奏請餉米領通州者改京倉捕盜救燹純用機

頗用順公與爭角幾至決裂既而陷以甘言欲誘致公人或勸

公剛順公曰是大員聖明也是盡棄生平也斷不可有午夜遺

垢雖與日月爭光可也禮九重間之益重且愛變輅出即

令扈從賜廐馬冠服羞味皇子贈詩額龍馭之隆震動畿輔是

時公躋顯庸監司方陷於法身既殞坐及其子致書當道解

脫其罪即向之乘危下石者仍與欵接其寬厚如此乙酉

營副將至則靖荏苒不可勝算王辰報最甲午有威甯總兵之命

敦請賑濟全活者不風寒疾作乞骸骨歸結廬先人首邱榜清

公疏請陸辭中途襲風寒疾作乞骸骨歸結廬先人首邱榜清

白二字於門端足跡不入城干謁者擯而不見所繫念者朝廷

也先是徐報桑梓之利未溥蓋公以忠君愛民為汲汲其天性然

目擊心惻者久家食時嘗自出粟開溝渠不宣泄於風雲際會之初

懇切陳言邀恩疏導而歸里後猶修濬澗充為萬世計深遠屢

泉山聚閭里俊父者延師教之安溪李夫子贈之聯曰束髮驅

廉潔功在朝野具不見於斯矣無何西戎告警遠勤王師忠憤羞

夏朔日也疏上知不起優旨下逮期年從祀鄉賢子五廷栢幼

殤其婦貞殉士魁廕監早世寬培補廕嗣魁致和皆州同余與

人物傳

同治徐州府志卷之三十三

八

同治後州志卷之三十一  
八  
公交最深又為媼姪知其事悉矣厥子復以狀求傳因援筆為之贊曰當公之初膺主知也天威不遠咫尺抵掌而談纍纍不窮或曰此雒陽季子之流乎迨觀其立勛名禁苞苴絕芥蒂審進退拯鄉邦方之范文正公何多讓焉貪廉懦立吾望天下後世之聞其風者矣

韓文炯字偉章銅山諸生少孤事母至孝乾隆丙午歲饑煮粥以賑近村賴之子德塤字怡之諸生嘗助修雲龍書院築天然間亦以好善稱德塤子孝則字君度歲貢生遠於學孝述拔貢生內行敦篤孝友字尹東諸生工為文

梁世經字緒常銅山人敦孝友弟世綸屋燬於火以己田與之為起宅偶遠行途有遺錢數千坐路旁候其人至還之始去工醫善治痘疹全活甚眾子易簡字位成武學生慷慨樂施乾隆五十一年春大饑人相食易簡出己貲購糧沿戶周卹

以全活有夫婦離散者代為贖之人稱其惠

銅山志

張德基字厚培銅山人任蕭南營守備天性孝友慷慨好施與道光十三年邑大饑製豆餅施餓者族人某甚貧有瘠田求售無過問者德基出重貲購之人稱其長者

張泰涵號鏡湖銅山人由廩貢官經歷需次廣東大府稱為才吏以猶子病亾棄官歸里道光十三年大饑出千金助賑鄉人德之赴粵時有金某附舟行無所得食泰涵日以百錢飲之復代償儼船費至粵其父來謝婉卻之人稱其義

崔樹楠字遽園銅山人樂善好施稱長者嘉慶十八年滑縣教匪滋事徐郡戒嚴樹楠捐資募勇二百名助官軍守禦歉歲賤糶以周貧乏尤好造就人才戚族子弟無力就學者招致家塾

人物傳

同治後州志卷之三十一

九

延師課讀之成立者甚眾

拾世盤字鴻漸銅山衛籍仕河工巡檢保按察司經歷道光閒  
邑中修文廟節孝祠城工及纂縣志倡捐萬金以好義稱子登  
裕貢生以教官候銓敦品嗜學以拯災恤患爲己任咸豐閒築  
圩寨興團練鄉里賴之歷保知縣同知銜

徐毓琇字衡圃銅山太學生董辦徐郡團防保甲捐輸諸事自  
任勞怨歷保道銜以鹽運司同知用

賞戴花翎積勞病  
故沒之日家無積蓄公項不足者典衣質產以補之絲毫無虧  
欠鄉人咸稱頌焉

董文瑞字鳳臨銅山人議敘鹽知事候選從九性伉爽喜排難  
解紛鄉鄰有爭執者得文瑞一言卽釋銅蕭兩邑濱湖居民恆

苦水患文瑞獨力捐貲開望州湖以宣洩之悉成沃衍至今利  
賴道光八年十三年歲大祲襄辦賑務勞瘁得疾遂不起

崔志庠字聿修銅山人世業醫尤善小兒痘疹危症一藥而愈  
行視病家必先貧者貧不能買藥則予以藥姻戚鄉黨困乏者  
貸之貸而不能償則燔其券歲疫饑設藥煮粥以濟貧而病者  
數十年無倦生平尤篤友誼與邑處士邱繼盤交繼盤歿志庠  
歲時上冢必過其墓設肴酒奠醞垂二十年不衰子五人沒於  
軍者三人

曹自怡字玉亭銅山人家素裕樂善好施戚族貧乏者資給之  
遇有婚喪爲籌費孤苦無依者養之爲謀嫁娶教之讀俾成立  
四世同爨無閒言性尤謹厚人有犯者輒遜謝弗較年八十卒

張省齋字魯門銅山人由附生議敘鹽知事軍功加州同銜性孝友父早歿事母膝得其歡姊妹已嫁而貧析產與之尤樂爲善道光十三年歲饑捐賑平糶民賴以安常葺城垣修學宮疏通河道增書院膏火無不實力行之軍興以來築圩寨建社倉率練堵禦賊不敢逼年六十二卒祀鄉賢

王夢鼇銅山諸生敦尚孝友訓子以義方好善樂施鄉里稱之又有孫運超勇於爲義皖匪竄徐出已資築圩寨不累親鄰賴以保全者數千家

劉永純字景文銅山人國學生性醇厚弟永超出嗣而貧永純

以己田讓之嘗積穀數百石凶歲悉出以濟人臨終焚借券萬餘紙鄉里稱長者又有邵濬廩生孝友能行義率鄉民團練巡警徹晝夜數年如一日

拾世彥字煥邦議敘鹽運司知事孝謹嗜學遇人有急難輒爲排解賑饑修祠廟不憚勤瘁同族拾登仞拾世括皆能敦本好義至老不衰又有吳珣廩生道光壬辰佐郡守劉公賑饑民得實惠周鎧增生嘗募資修葺文昌祠李榮屏布衣咸豐十年難民爲皖匪掠者數百人過其境施粥資助賴以生還者甚眾

王金棟字滿堂原籍山西聞喜人以懋遷家於徐徐人稱爲質行長者性慷慨好施予嘗捐輸數千金以助軍餉鄰里借貸無不遂積券至鉅置高閣弗省同治十年郡城中道街遭回祿延燒二十餘家金棟宅屹然中存人共見火毬大如斗至金棟積券所卽飛去火遂熄眾咸異之

以上銅山

孟文輝字光奕蕭人散篤尚義幼聘邑廩生胡廷棟女未幾患  
疥癩胡請絕婚文輝曰夫婦大倫豈可以妍媸易念卒娶之式  
好終身不渝後以舉人官宣城教諭蕭縣志

任國鏐字貢九蕭人候選州同慷慨好義急人之難未嘗避艱  
險屢中貧乏者待以舉火從孫蘭幼孤淪于他族訪得贖歸資  
之產而造就之又設塾延師訓族人士弟給以膏火歿後人或  
貧窘急難無所訴每念國鏐輒歔歔泣下曰此風難再矣蕭縣志

王源德蕭人好善樂施任蕪湖訓導以終養告歸康熙乙卯邑  
大祲源德出粟活數千人子傳梅捐千金修蕭學又捐田二頃  
入雲龍書院皆承父志也蕭縣志

陳開先字青門蕭諸生以貢入成均為人坦易和樂能周人之  
急河北有別墅田數千畝明季寇亂邑人士避地多依之四方  
客龍城者率下榻其家比去資給不匱蕭縣志

任立本字培初蕭人康熙己丑歲大饑立本謁當道備陳災賑  
利弊邑令委查戶口不濫不遺全活甚眾未幾丁父艱以毀卒  
又有縱汝麒好周濟貧乏吳儒懋嘗捐設義塾朱之棟捐地五

十畝於徐州府學王文明捐貲修學宮吳殿英捐設義學吳琮  
捐貲助賑孫應聘捐置義冢縱之達捐建橋梁修學宮王庭槐  
嘗於歉歲施衣食藥餌之屬劉于遂縱世甯皆以忠信篤行慷

慨好施予見稱於時汝麒儒懋皆歲貢生儒懋官高涇訓導文  
明于遂皆諸生皆蕭人蕭縣志  
祖存質字聞章蕭人生平以禮法自持善醫鄉染時疫存質施

人物傳

同治徐州府志卷第三十五

藥以救之邑遭大水焚佃人欠券數百金壽至九十六歲

蕭縣志

孫應聘蕭人敢行立品鄉里奉為楷模子守良能遵父訓喜推

解人稱長者曾元繁衍七世同居時推為義門云

縱延祚字德繁蕭人貲財甲一鄉自奉儉約而周給不少吝蕭

邑漕米例交徐州倉轉運有以民折官辦之說干當道者將聽

之合邑憤沮延祚奮然陳於大府利害鑿鑿大府不能奪事遂

寢

蕭縣志

縱之選字萬青附貢生性嚴正弟之遠官長淮守備運丁某有

所干謁持千金介之選為壽之選峻拒之縱金字孚麗監生性

方正嘗買二婢叩之一己字一士人之女金惻然即尋其父母

還之不索值蕭俗父母沒必延僧道諷經懺悔金以為父母

過則不必懺有過而懺是人子故彰父母之過也切戒子孫毋

沿陋俗皆蕭人

蕭縣志

王為藩字宣人蕭人樂善好施尤篤友誼有崑山陳新民者家

貧攜母至藩為藩館之數周其乏為娶彭城王氏未幾新民卒

王誓守志為藩給田百畝贍之終身弟為屏字樹人乾隆乙巳

歲大饑邑令張紹祖設粥廠於城為屏出粟數千斛襄其事

時男婦有自售者為屏以重價購之至歲熟悉助以貲遣還賴

是存活者百餘人次子伊國學生能遵父訓嘗先後出巨金以

濟困乏

蕭縣志

謝開祉字福庵蕭諸生里有鬻田宅者所得值為無賴子攫去

其人泣不欲生開祉慨然如數償之人稱厚德

蕭縣志

人物傳

同治徐州府志卷之三十三



李愛民字廣恩明季盜賊蠭起所至爲墟愛民散家貲合里黨  
結寨自守兄學易驍勇有智計賊畏之一方以甯縱元亨字含  
章明季土寇程繼孔圍城元亨俯俾諭以大義賊竟解去皆蕭  
人蕭縣志

周維則字服孔蕭諸生事寡母以孝稱嘗出資數百金築壩河  
濱爲一鄉保障又以河勢南齧隄根倡紳士請於當道導河使  
北時論韙之嘉慶甲子子惠祖等俱赴試江甯而維則獨冒暑  
入都視其姪榮祖應京兆試是年榮祖獲售旋成進士  
潘克己字復禮輕財好施道光癸巳春大饑盡出所藏粟減價  
以糶遇糶止升合者必暗納餽飪二枚於其橐內故糶者愈多  
粟盡復稱貸以繼之凡數月全活甚眾袁塘字采南性豪爽勇

於爲義同村有二烈婦家貧無嗣湮沒數十年矣塘爲捐貲勒  
碑傳之不朽善畫尤工畫蛟蝶博通史事每於廣眾中談因果  
聽者輒爲感動云皆蕭人

王維嶽字步頂蕭人爲人慷慨識大體道光二十一年土匪縱  
馬二賊糾集凶命爲害鄉里維嶽奮身助官兵擒斬之咸豐四  
年粵逆竄擾維嶽練鄉兵堵禦眾倚爲長城以功 賞戴

藍翎六年逆匪張落刑攻蕭城維嶽與其子喬偕官紳固守事  
平議敘知州分發山東九年因差回籍適逆匪又盤踞城外維  
嶽登陴晝夜捍禦凡百餘日積勞成疾明年二月卒又有程得  
王者築寨拒賊堅守得全人咸賴之

王廣牧蕭人軍功州同銜豪爽有智略所居近賊境咸豐八年

築寨拒守依寨居者不下萬餘家賊過必率眾追擊屢有斬獲當耕種時募壯丁三百餘人率之周歷四鄉護耕者收穫亦如之故寇亂近十許年而傍寨二十里畝無遺糧論者韙之又有劉繼先者捐貲數千築寨嘗以糧數千石助輸伊帥營中敘功

賞同知銜藍翎

以上蕭縣

汪于國孝友尙義堂弟于淮幼孤于國撫之爲婚娶于淮卒撫其遺孤未幾又亾以姪聖瑛嗣之邑民馬道官街悉納銀謂之房號于國爲力請當道豁免至今便之又有張天輔嘗入賊營贖孤姪歸李世宣以諸生任汶上簿歲荒嘗出糧平糶皆礪人

礪山

汪廷對字迪宸礪山歲貢生順治初邑遭寇亂制府命領鄉營

防禦二年十一月十四日邑人吳調之謀應賊脅典史江應元據城叛眾議待大兵至剪除廷對曰大兵至則玉石俱焚矣宜先撲滅翼日廷對率鄉兵攻城鄉民劉春祿者奮勇擊斬賊首吳翰應元與孔國華等爲內應擒調之城遂破制府嘉廷對之能欲薦授官以養親辭堅不就是役也團練出力者生員胡士多武生屈鼎鉉馮應斗魏思正鄉民王澤久賈以謙劉春祿而春祿之功爲最先是崇禎中流寇所至多摧殘礪人懼不免練鄉兵爲五營諸生汪大受實倡其事而賈懋賞戚敬止段長庚賈以默佐之未幾營廢歲癸未瀋陽宋坤爲礪令謀城守復合五營作前後兩營而以廷對胡士多長之制府加廷對士多守備銜管哨者賈以謙徐珍范孟夏豆鴻賓李起先李振奇各加

人物傳

司合余川可志卷之三十一

五

千總銜史閣部屢檄旌獎故終明之季流寇蹂躪徧郡境而礪獨免難土賊屢犯城卒獲安堵羣推宋令保障之功與大受等倡義協禦之力至順治之初廷對又藉是以從容應變云舊志礪山志

楊鼎龍性沈毅有將才崇禎癸未流賊肆擾礪練民兵防堵當道以鼎龍為練總號令嚴明四五年間鄉兵無驕悍需索之擾又有諸生鄭庭蘭

國初嘗偕邑令勦擒賊渠又嘗捐金完人夫婦以義俠稱皆礪人礪山志

包斌嘗於李家橋北建茶庵又捐置義渡以濟行旅汪宗子諸生乾隆四年捐穀三百石助賑有司旌之李元調諸生毛純信

魏仲候選州同單述武生陳鼎新歲貢鼎新子倬許紹寅皆孝友敦睦以好善聞皆礪人

孫文燧字聚五順治開河決張渠隄口文燧捐貲捍禦一方賴之康熙七年大荒文燧竭倉庾以濟貧乏有陳氏婦以積逋逮

繫文燧為傾囊代贖于涓園子生嘗呈請河督於沿河築子堰東西接連大隄綿亘五十餘里又於郭家口定國寺請建口門

冬閉夏啟疏引河堵旁派邑人至今利賴之皆礪人礪山志

孫握礪山監生好善樂施嘗捐貲修學宮而不書己名以上礪山志

袁本厚字以載豐諸生慷慨好義邑有利弊切民者務白而興除之趙紀字子條諸生豪爽好義先是學使者不按臨徐州五邑應試者皆之淮安往返千里黃河風濤不測紀糾同志瀝陳

人物傳

同治徐州府志卷之三十四

於中丞始建考棚於州城至今便之又有高元璠字貞庵國學生乾隆十一年場民扳料為邑累元璠與史以張孫恆謝國棟

籲控上臺始獲免

豐縣志

史應甲豐諸生樂善好施每歲嘗具藥餌棺木粥糜衣被以濟窮乏姊寡而貧應甲迎養於家婚其子女終姊天年有從兄弟分產未均應甲出己田助而和之

豐縣志

張暄字孟煦豐縣廩生父秉衡雍正己酉舉人事親以孝稱為人坦易不立崖岸為時所重暄少時聘李女為妻未娶而女替女父欲卻聘暄堅不可遂娶之女家贈一美婢暄亦不受李女亦有賢行人稱佳耦云

豐縣志

崔日峒字眉山諸生年六旬無子有妾數年不孕妻程復購一

婢勸使納之惻然曰子之有無命也安用多玷以滋吾過為

擇配遣嫁之後連舉二子劉運魁字際可嘗有人鬻一女於魁

得十金去既而廉知女為人所給為訪其家還之皆豐人

豐縣志

孫學海字谷宗豐人慷慨好施有田數十頃嘗親往收麥數日

徒手返家人問之曰親族貧乏者多己傾囊與之矣又有袁學

儒字臨川性儉而喜施子楊繼修嘗還遺金

豐縣志

李巡字省庵貢生性醇厚好施與乾隆二十年大饑巡捐銀八

百助賑子本沃本澍亦好善敦睦姻族謝路字卜嘉事親以孝

稱嘗捐貲重建萬年橋於清水河上行人便之子國棟由諸生

官石門知縣有政聲皆豐人

李述字撰庵豐人候選縣丞敦實好為義舉前令魏某在任時

人物傳

述未嘗造謁及罷職寄居豐邑甚貧述餽粟濟其乏十餘年不  
懈又有李渥候選州同李沛孫學湘孫璧李培眞皆國學生三  
人皆以孝友敦篤輕財重義見稱於時

豐縣志以上豐縣

郭祺字吉如沛人性好施濟康熙四十二年沛大饑祺煮糜以  
食餓者出粟減糶并施棉衣四十九年再饑又捐穀五百石

沛縣志

魏天正字介石沛人家素封慷慨好施予康熙四十八年沛大  
饑天正出貲千餘金助賑全活無數又嘗恤貧交助婚喪里人  
德之弟天質字介文官翰林典簿時有胡某者以典簿候銓聞  
天質欲歸餽八百金爲贖速其行天質堅卻之卽日解組出都  
雍正丁未捐穀三百石賑饑天質嘗有儲糧千石在村舍佃人

盡啖之置不問是年大水潰邑郭民失所者天質以己宅居之

舊志沛縣志

馬夔龍字雲卿諸生因母善病習醫遂精其術鄉里求療者多  
奇效不受謝性至孝居喪毀瘠又有陳啟善太學生亦精於醫  
病者不能辦藥則傾囊濟之邑令嘗延致署中診脈外無一語

千瀆皆沛人

舊志沛縣志

王禘字子誠父化藹見忠節傳禘弱冠爲諸生勇於行善有以產售  
者與厚值未幾又持產來禘曰君二產俱罄何以爲生惻然久  
之再予值而卻其產吳逆之亂役繁賦重奸猾借以爲利禘鳴  
於上臺弊政得除王可立字文卓以歲貢爲州佐事寡母盡孝  
嘗爲中表完室置產又嘗買婢聞已許聘覓而還之不索值皆

人物傳

沛人

沛縣志

王嘉訓弟嘉重嘉猷皆居夏鎮好善樂施而家不甚富壬寅春山左大饑流民集境內並土著貧民凡數百家嘉訓等出粟千石計口賑之粟盡來者益眾乃粥田宅糴穀以給兄弟相對怡然略不怨悔舉孝廉方正以疾辭郭登魁字文軒好義輕財遇凶歲出穀麥減價平糶多所存活焚券讓租鄉里稱之皆沛人

沛縣志

韓文封字秉益性喜施濟助婚喪還遺金輸醫藥躬行不倦不求人知張雲路性孝友嘗讓產於弟皆沛人

張之俊字秀實慷慨喜推解嘗還遺金不受謝郝鉉字黃臣順治庚子舉人性孝友親歿弟稍不給悉以己產予之沛官地稅

重力請當道減之歲饑貸鄉人貧者至千金於除夕盡焚其券

皆沛人

舊志沛縣志

李鳴岡字儀堂沛諸生敦孝友恤嫗族樂善不勸道光二十六年邑令馬某興修文廟書院並置同善堂鳴岡倡首捐資以成其事咸豐閒盜賊充斥辦團築圩無不殫心力為之為里黨所推又有劉培豫字雲門慷慨樂善嘗輸貲數千金助修圩寨皆

沛人

以上沛縣

姚鑽邳州人其父貸蘭山楊甲銀四十兩父死鑽遵遺命持銀還楊楊之子不知姚父之貸銀也堅不肯受鑽強委之而歸

州志

陳其恂字仲實邳州大邨社人材器過人趨勇運刀槩如風時

人物傳

同治徐州府志卷第三十二中之下

六

天下初平山東流寇沮山皆侵掠南下其恫故雄於財糾約鄰伍身為渠帥州里獲安居平瞿瞿稱長者濟乏賑窮終無勸色州吏嘗謂君之同社無訟者何以得此歛容謝曰此父師之教其退讓不伐如此其恫族孫原譽字肇憲以字行州諸生豁蕩喜任事康熙初州歲告禱道路流冗積逋賦二十餘年長吏被劾以去者相望二十八年

皇帝南巡肇憲年二十餘攝衣上疏具陳民有五難牧有四德俞旨免租賦十四萬兩夏秋米麥三萬四千石永除逃戶九千二百丁水沈地四十六萬畝肇憲上疏之力也顧終身恂恂口不言功其恫曾孫士升字怡齋歲貢生事親以孝聞嘗辭家千里從桐城姚鼐游為入室弟子州人奉為宗師肇憲元孫遠矚

善事繼母

邳州志

竇良秀監生邳州小沂社人乾隆五十年大饑發帑賑濟有以賑銀糴糧於良秀者啟包雜以瓦礫客皆怒良秀歎曰民病如此而公等察及錙銖乎立斥客命後有糴者勿啟包而與之糧每至暮諸門下客聚所易銀燭之瓦礫輒盈升明日復然良秀不為悔也是時竇善人之名流聞淮徐間至於今竇氏糴糧之斗大於市升許良秀教也子照四有父風早卒子象彝生五歲孤母周撫之比長一遵良秀所為道光中州修學宮捐數千金建家塾義莊費鉅萬族戚之有喪葬嫁娶無弗告象彝者於是竇氏之為善比三世云

邳州志

栗大章邳州人倜儻有奇志初河工料物多取諸民官計畝征

人物傳

同治徐州府志卷第三十三

三

之吏恣啗喝不堪其虐乾隆四十七年州人將訴諸大吏相顧莫敢先有孟毓璋者直前任其事大章自外至問曰首事者誰也聞毓璋名曰甚善雖然非我不辦於是偕毓璋歷牒臺省卒獲除而二人終以犯科禁戍邊州人士大夫數百人哭而送之大章笑曰除民大害獲遣幸矣去不顧

邳州志

張廷獻字素修邳州監生議敘鹽知事性敦篤鄉里稱長者徐景山之創建嶧陽書院也廷獻出已貲千餘金助工知景山貧並以粟贍景山家子和庵字履三歉歲嘗罄已貲賑濟咸豐間創修圩寨戰守頗著功績又有莊士選字萬卿亦能周恤族鄰築圩禦寇和庵士選皆以勞致卒里人惜之

徐以柏字景山邳州廩生為人慷慨仗義唯邳倖某虧其財數

萬金以柏終身不言家山是中落然好善之志不衰邳舊城建嶧陽書院資不繼以柏質已田以成之後為忌者所中憤志病

卒

以上邳州

張忭字潔庵宿遷諸生有才膽初宿數罹水患丁缺田荒又縣當孔道役重民困康熙二十三年

上幸江南忭草疏懇族弟士宏倡首為民請命奉

俞旨

得免缺丁坍地曠土三項減賦額三之一是時忭年已六十跋涉道塗後忌者反以借名科斂文致獲罪時論惜之先是

聖駕南巡於八月十八日蹕宿遷士宏疏未及進至十月初十日

回鑾諸生陸爾謐別具疏上之明日士宏之疏亦進并下部議疏中同署名者忭士宏外又有許光耀李倫力據葉

人物傳



亦大而始終其事實怵一人之力云爾謚亦諸生

宿遷志

陸又祖字雲溥王允遠字嗣蕃宿遷人二人皆以孝友篤行見

稱

宿遷志

王定遠崇禎末助饟千餘金以甦民困張一芳崇禎庚辰大饑

一芳設草舍為粥糜以待餓者張我聰字心逸諸生順治己亥

歲大饑我聰出粟二千石助賑陸奮勇字冠敵諸生陸奮發字

耕隴蔡毓慶字完之諸生蔡習孔字卓吾蘇應科四人皆仁厚

好施與為里人所稱宿遷人

宿遷志

施俊宿遷逆旅主人有賈遺金八百俊追還之唐有允嘗於市

中拾得布裹遺金坐俟還其人

宿遷志

高躋字不危宿遷人為人尚義以濟困扶危為事親黨賴以

火者數十家節孝婦女尤極力周恤年九十九歲無疾而終孫

式禹循謹守家法郡守石杰贈聯曰居雖近市心長古學不趨

時品自醜可以見其品概矣

宿遷志

陸克己字潛修宿遷人妻歿鬻產治喪具餘十許金出遇迎妻

者聞輿中哭甚哀詰之乃王氏子買有夫婦也急走勸王令輿

歸其夫而已傾囊償王價不告姓名去高璣字象德宿遷武生

邑苦火災倡製水具以拯乾隆三十四年西南隅火璣倉卒往

救觸火而死邑人感其義立石以紀之

程兆型宿遷人母與鄰嫗善嫗子殺人兆型謂嫗子曰若母只

一子若死母必死吾母亦不能全吾有弟吾且代若遂慨然自

承獄具配徒滿限歸叩頭謝母前母曰汝善體吾心者有何罪

人物傳

鈕濤宿遷人有商寄金二百不至商死濤送歸其家濤弟瀛歲貢生生平所得館穀輒濟戚屬又有徐燮虞生父景賢嘗同遊真武觀見旅櫬數百且朽敗矣急詣邑宰共出貲買地悉葬之蔡以義字宜齋宿遷恩貢生歡歲有貢身業備者輒令署券張席棚居之給以食活二十餘家比麥登諸人請所事以義曰吾向者聊相濟耳君輩皆我鄉里豈可任賤役各與千錢焚券遣之

陳陶字魯玉宿遷孝義鄉人好施與尤散族誼建宗祠修譜牒置祭田行之不倦陳大魁號鶴亭武生候選都司乾隆乙未淮北旱饑斗米千錢大魁出麥千斛濟族人接口周給全活甚眾又有高時和侯宗彝馬太瞻張振業蔡方中徐培朱時秀鮑德宜及子蓮塘劉聚隆謝頌遠盧承順馬廷猷程召棠諸人者或以敦行顯或以樂善稱宿人至今不忘時和時秀邑增生培附生聚隆候選從九品承順監生召棠舉人

張封翁名某字超凡宿遷人歉歲置田必厚其值凡賑粥育嬰掩骼諸會皆倡爲之

江飛騰字乘鯉宿遷歸仁里人父鵬遠以好善稱飛騰孝謹能述父志建義塾以訓族子弟置田三百畝給膏火里北濱湖夏秋病涉飛騰砌石爲梁士人名爲江公橋創亦善堂恤孤獨捐貲助賑仍歲不倦穎毫盜渠李大喜等出沒蕭睢間飛騰傾貲募鄉兵堵禦未幾賊果至正鑿戰閒賊忽揚言曰勿犯江善人衛之入村舍閤戶獲免子孫陷賊者皆先後逃歸兩孫甫四歲

人物傳

同治徐州府志卷第三十二

被掠畱賊砦二年有傭媪王氏隨行撫養備至既而賊潰媪遂攜二子出閒關歸里人以爲厚德之報云

臧鳴謙號益齋宿遷人太學生好義輕財沐水決杜家口鳴謙請籌費身任堵塞事平餘資千金悉歸諸官道光十二年歲饑多盜創議團練一鄉安堵行之數十年家以是益落而鳴謙處之晏如

施于郊字天沛宿遷人應試寓淮嘗卻奔婦子及事繼母以孝稱撫弟姪成立歲祲恤族賑饑人

陳承傳字薪紹宿遷人性仁厚好施濟有田數十頃在歸仁集東鳴溝湖上乾隆中河決朱家海子承傳適泛舟載秋穫見男婦老弱漂沒號呼求救遂停楫命榜人曰爲我拯水中人生者

予錢若干死半之共救百數十人俱載至莊葬其死者而廩給其生者水落畀以資使還家子王謨王凱見人物傳

葉鍾穎字惠春宿遷廩生性伉直敦友誼乙酉攜子姪應試金陵與歲貢李椿同寓椿暴病勢危鍾穎與子姪環伺藥餌屢晝夜竟不入場未幾椿歿囊空無以斂鍾穎乃盡貨己裝不足則稱貸於人棺衾悉如禮又躬扶其柩閒關歸里士林義之以上宿遷

李枝芳睢甯人勝國時任四會主簿桂林府經歷有政聲國初隱居不仕輕財好施李枝萼由恩貢考授府通判以父母年老辭不就性嗜學尤喜成就人才建崇文書院積經史聘名師課授生徒順治十六年歲歉枝芳枝萼俱捐粟賑饑又有李枝翹由拔貢官學教習考授知縣不就天性孝友父母並年過

人物傳

八旬色養不衰讓產於異母弟順治十六年入都叩部籲請將  
邑荒田四千一百餘頃虛糧永行除豁報可康熙十六年河患  
方劇枝翹條陳河務十九事河督靳公嘉納之祀鄉賢舊志  
袁錫秬監生劉一正附貢生王雅賢附生王高斗凡四人道光  
十三年建昭義書院捐資者時稱義舉秦作模附貢生道光十  
八年重建昭陽書院捐銀三千百五十兩秦景淞道光二十年  
捐修縣城又有秦需捐資倡修龍溝大石橋咸豐閒嘗率練勇  
緝拏大匪王冠斗監生道光閒大稔施粥濟貧皆睢甯義民也  
叩明邱鈺邱澤清呂輝金鏞邱澤麟六人皆諸生朱地候選縣  
丞皆以篤行好義稱睢甯人

鮑長盈睢甯人年五十無子乾隆七年商於揚州入廁獲一搭

襖探視白翎也念必有人遺此坐待路旁食頃果有人踉蹌來  
覓襖詢之曰父被賊誣入獄變產營救問其數開襖驗之悉符  
合舉以畀之不告姓名而去逾年舉一子以上  
睢甯

候選訓導崔丹桂校

同治徐州府志卷第二十二下之上

人物傳 文學

漢申章昌字曼君楚人梁丁姓弟子傳穀梁春秋為博士至長

沙太傅徒眾尤盛由是穀梁春秋有申章氏之學 漢書儒林傳

田王孫梁郡碭人從同郡丁寬受易為博士後以其業授施讎

孟喜梁邱賀由是易有施孟梁邱之學 漢書儒林傳

魯賜碭人魯申公弟子傳其業為東海太守治官民有廉節稱

漢書儒林傳

嚴彭祖字公子東海下邳人延年少弟 延年見人物傳與薛人顏安樂

俱事眭孟受公羊春秋孟弟子百餘人唯彭祖安樂為明質問

疑誼各持所見孟曰春秋之意在二子矣孟死彭祖安樂各顯

人物傳

同治徐州府志卷第二十二下之上

門教授由是公羊春秋有嚴顏之學彭祖為宣帝時博士至河  
南東郡太守入為左馮翊遷太子太傅廉直不事權貴人或勸  
其曲意貴人彭祖曰凡通經術固當修行先王之道何可委曲  
從俗苟求富貴乎竟以太傅官終

漢書儒林傳

三國吳裴元字彥黃下邳人有學行與嚴峻張承論管仲季路  
傳於世官至大中大夫子欽與太子登游處登稱其翰采元嘗  
問欽齊桓晉文夷惠四人優劣欽答所見與元相反覆各有文  
理先是登駐武昌愛人好善與步騭書曰賢人君子所以興隆  
大化佐理時務也受性闇蔽不達道數至於遠近士人先後之  
宜猶或緬焉未之能詳騭於是條十一人甄別行狀元與焉

志嚴峻傳又步騭傳

謝慈字孝宗彭城人撰喪服圖及變除論行世為孫奮傳相諸  
葛恪之誅奮下往蕪湖欲至建業觀變慈以直諫見殺

三國志孫奮傳

又裴松之注

宋劉敬叔彭城人起家中兵參軍義熙十三年為長沙王驃騎  
參軍劉毅鎮江州以敬叔為郎中令毅褊躁愈劇以事忤毅為  
所奏免官元嘉三年為給事黃門郎太始中卒著異苑十卷其  
書皆言神怪之事詞旨簡淡無小說家猥瑣之習唐人多引用

之四庫全書目錄

齊劉繪字士章勔少子

勔見忠節傳

聰警有文義善隸書豫章王嶷

為江州以繪為主簿隨鎮江陵僚吏之中見遇莫及是時琅邪  
王翊為功曹嶷謂僚佐曰吾雖不能得應嗣陳蕃然閣下自有  
人物傳

二驥也後爲中書郎掌詔誥助國子祭酒何肩撰修禮儀永明末都下人士盛爲文章談義皆湊竟陵西邸繪爲後進領袖機悟多能安陸王寶暉爲湘州以繪爲冠軍長史長沙內史遭母喪去官有至性持喪墓下三年食麤糲官至大司馬從事中郎

南齊書本傳

到洽字茂公既見人清警有才學年十八爲南徐州迎西

曹行事謝眺文章盛於一時見洽深相賞好稱其資兼文武欲薦之朝洽覩世方亂深相拒絕遂築室巖阿幽居積歲任昉嘗訪洽於田舍歎曰此子日下無雙遂申拜親之禮武帝嘗問邛遲曰到洽何如沆漑遲對曰正清過於沆文章不減漑加以清言殆將難及召爲太子舍人上御華光殿羣臣賦詩洽辭爲工

帝謂昉曰請到可謂才子昉曰臣嘗竊議宋得其武梁得其文

累遷太子中舍人掌東宮管記侍讀省直學士二人洽復充其選遷國子博士奉勅撰太學碑爲尙書吏部郎請託不行徙左丞準繩不避貴戚遷御史中丞號爲勁直出爲尋陽太守卒贈侍中諡曰理子有文集行於世

梁書本傳

到沆字茂灌彥之曾孫父攜齊五兵尙書沆幼聰敏五歲時攜於屏風抄古詩沆請教讀一遍便能誦諷及長勤學善屬文工篆隸美風神容止可悅梁天監初爲征虜主簿東宮建爲太子洗馬時文德殿實學士省召高才碩學待詔使校定墳史沆通籍焉武帝讌華光殿命羣臣賦詩獨詔沆爲二百字二刻便成其文甚美尋爲殿中曹侍郎此曹以文才選沆從父兄漑洽並

人物傳

司台徐州府志卷第二十五上

三

有才名時皆相代爲之見榮當世遷太子中舍人沆爲人謙敬口不論人短與任昉范雲友善卒於北中郎諮議參軍所著詩賦百餘篇

梁書文學傳

劉孝綽字孝綽彭城人本名冉父繪孝綽七歲能屬文舅王融稱爲神童父黨沈約任昉范雲等尤相賞好天監初起家著作佐郎嘗侍梁武帝宴於坐作詩七首帝篇篇嗟賞遷秘書丞帝謂周捨曰第一官當用第一人故以孝綽居此職昭明太子好士愛文學孝綽與殷芸陸倕王筠到洽等同見賓禮太子起樂賢堂使畫工先圖孝綽官至秘書監孝綽少有盛名而仗氣負才多忤於物前後五免辭藻爲後進所重每作一篇朝成暮遍諷誦傳寫流聞絕域文集數十萬言行於時兄弟及羣從子姪

當時有七十人並能屬文近古未之有也子諒字求信少好學有文才尤博悉晉代故事時人號曰皮裏晉書厯官著作佐郎

太子舍人

梁書本傳

劉潛字孝儀孝綽弟幼孤與兄弟相勗以學並工屬文孝綽嘗曰三筆六詩三卽孝儀六謂孝威也天監五年舉秀才累遷尚書殿中郎敕令製雍州平等寺金像碑文甚宏麗晉安王出鎮襄陽引爲安北功曹史王爲皇太子仍補洗馬遷中舍人出爲陽羨令甚有稱績後爲中書郎累遷尚書左丞兼御史中丞在職彈糾無所顧望當時稱之出爲臨海太守綏撫境內風俗大革終豫章內史孝儀爲人寬厚內行尤篤第二兄孝能早卒孝儀事寡嫂甚謹未嘗失禮世以此稱之有文集二十卷行於世

人物傳

司台余州府志卷第二十二下之上

四



第五弟孝勝官至司徒右長史第六弟孝威氣調爽逸風儀俊  
舉初爲安北晉安王法曹後爲太子洗馬中舍人庶子率更令  
並掌管記大同九年白雀集東宮孝威上頌其辭甚美太清中  
遷中庶子兼通事舍人侯景亂隨柳仲禮至安陸卒第七弟孝  
先世祖以爲黃門侍郎遷侍中兄弟並善五言詩見重於世

本傳

到鏡漑子字圓照初在孕其母夢懷鏡及生因以名焉五歲便  
口授爲詩婉有辭况位太子舍人早作七悟文甚美先漑卒鏡  
子蓋早聰慧位尚書殿中郎嘗從高祖幸京口登北顧樓賦詩  
受詔便就上覽以示漑曰蓋定是才子翻恐卿從來文章假手  
於夢因賜緡二十四匹後漑每和帝詩輒手詔戲曰得母貽厥

力平除丹陽尹丞太清亂赴江陵卒

梁書本傳

劉孝孫彭城人博學通敏仕多不遂嘗歎曰古人或聞一說而

致卿相立談間而降白璧書籍安耳

南史王僧孺傳

北魏劉芳字伯文彭城叢亭里人父邕宋兗州刺史芳出後伯  
父遜之邕同劉義宣之事身死彭城芳隨伯母房逃竄北徙雖  
處窮窘之中而業尚貞固聰敏過人篤志典墳晝則傭書自給  
夜則誦讀不寢孝文帝時爲中書侍郎授太子經芳才思深敏  
特精經義博聞強記兼覽蒼雅尤長音訓辨析無疑於是禮遇  
日隆除員外散騎常侍兼通直常侍帝宴羣臣於華林園與王  
肅語次引內則辨男子有笄肅以芳言爲然曰此非劉石經耶  
昔漢造三字石經於太學學者文字不正多往質焉芳音義明

人物傳

司台徐州府志卷第二十二上

五

辨疑者皆往詢訪故時人號爲劉石經詔以芳經學精洽超遷國子祭酒齊將裴叔業入寇徐州疆場之人頗懷去就帝憂之以芳爲散騎常侍徐州大中正行徐州事後兼侍中宣武卽位高祖自襲斂暨于啟祖山陵練除始末喪事皆芳撰定遺旨入授宣武經遷中書令出除青州刺史諡曰文貞子懌字祖欣頗好文翰雅有父風仕魏歷徐州別駕兗州左軍府長司空諮議參軍屢爲行臺出使所歷皆有當官之稱累遷安南將軍大司農卿卒贈徐州刺史諡曰簡

魏書本傳

劉懋字仲華芳從子聰敏好學博綜經史善草隸書多識奇字宣武初入朝位尚書外兵郎中芳甚重之凡所撰定朝廷軌儀皆與參量尚書博議懋與殿中郎袁翻常爲議主達於從政

中疑事咸所訪決領考功郎中立法甚有條員清河王懌爲宰相禮懋尤重令諸子師之嘗曰劉生堂堂縉紳領袖若天假之年必爲魏朝宰輔受詔與諸才學之士撰成儀令遷太尉司馬卒家徒四壁而已贈南秦州刺史諡宣簡所製詩誄賦頌及諸文筆見稱於時又撰諸器物造作之始一十五卷名曰物祖

魏書

劉芳傳

北齊劉逖字子長芳之孫少聰敏魏末徵詣霸府爲永安公開府行參軍逖遠離家鄉倦於羈旅發憤自勵專精讀書晉陽都會之所霸朝人士攸集逖在遊宴之中卷不離手值有文集所未見者則終日諷誦或通夜不歸其好學如此亦留心文藻頗工詩詠仕齊至給事黃門侍郎聘周使副二國始通禮儀未定

人物傳

同治徐州府志卷第二十一

六

逖與周朝議論往復斟酌古今事多合禮兼文辭可觀甚得名  
譽使還拜儀同三司後與崔季舒等同時被戮所著文筆三十  
卷弟訥少聰明好文學仕齊累轉尚書儀曹郎周大象末卒於  
黎州治中子元道有人品識用定州騎兵參軍北齊書文苑傳

鄭抗字子信彭城人兄頤字子默乾明初散騎常侍與楊愔同  
見害抗有文學武平末兼左右郎中待詔文林館北齊書楊愔傳

隋劉顥字君卿逖從子祖廩廩見忠節傳為齊神武所殺顥父濟及

濟弟琰奔江南後皆北還顥好文學工草書風儀甚美歷瀛州  
外兵參軍司空功曹待詔文林館除大理司直隋開皇中卒北齊書

書劉逖傳

唐劉肩之徐州彭城人少志學與孫萬壽李百藥相友善武德

中杜淹薦為信都令有惠政永徽初以著作郎宏文館學士與  
令狐德棻陽仁卿等撰次國史并實錄以勞封陽城縣男終楚

州刺史新唐書文藝劉延祜傳

劉伯莊彭城人貞觀中漢書學大興其章章者若伯莊與秦景

通兄弟劉訥言皆名家伯莊為宏文館學士遷國子博士與許

敬宗等論議甚多終崇賢館學士自所著書亦百餘篇子之宏

世其學武后時以著作郎兼修國史終相王府司馬睿宗立贈

秘書監新唐書儒學敬播傳

劉知幾字子元藏器子藏器見人物傳年十二聞父為諸兄講春秋左

氏冒往聽退輒辨析所疑父奇之許授左氏踰年遂通覽羣史

與兄知柔俱以善文詞知名擢進士第調獲嘉主簿聖證初應

人物傳

詔陳得失武后嘉其直累遷鳳閣舍人兼修國史中宗時擢太子率更令介直自守累歲遷秘書少監領史事時宰相韋巨源紀處訥楊再思宗楚客蕭至忠皆領監修知幾病長官多意向不一而至忠數責論次無功又仕偃蹇乃奏記求罷去因爲至忠言五不可至忠楚客等惡其言詆切始知幾修武后實錄有所改正而武三思等不聽乃著史通內外四十九篇譏評古今徐堅讀之歎曰爲史氏者宜置此座右也知幾內負有所未盡乃委國史於吳兢別撰劉氏家史及譜考上推漢爲陸終苗裔非堯後彭城叢亭里諸劉出楚孝王囂曾孫居巢侯般不承元王按據明審議者高其博嘗曰吾若得封必以居巢紹司徒舊邑後果封居巢縣子鄉人以其兄弟六人俱有名號其鄉曰高

陽里曰居巢累遷太子左庶子兼崇文館學士開元初遷左散騎常侍元宗時貶安州別駕卒知幾領國史且三十年官雖徙職常如舊嘗爲鄭惟忠言史有三長才學識世罕兼之故史才少時以爲篤論追贈工部尚書諡曰文六子臧餗巢秩迅迴

新唐傳

臧字憲卿好學多所通解知幾卒詔訪其後擢起居郎歷右拾遺內供奉獻續說苑十篇以廣漢劉向所遺而刊落怪妄臧嘗以竹書紀年序諸侯列會皆舉謚後人追修非當時正史如齊人殲於遂鄭棄其師皆孔子新意師春一篇錄卜筮事與左氏合知按春秋經傳而爲也因著外傳云

新唐書劉知幾傳

餗字鼎卿天寶初歷集賢院學士兼知史官終右補闕父子三

人物傳

司台徐州府志卷第二十一

五

人更莅史官著史例頗有法弟彙左散騎常侍終荆南節度使  
彙子贊以蔭仕至宣州都團練觀察使卒贈吏部尚書新唐書  
傳

迅字捷卿歷京兆功曹參軍事嘗寢疾房瑄聞憂不寐曰捷卿  
有不諱天理欺矣陳郡殷寅名知人見迅歎曰今黃叔度也劉  
晏每聞其論曰皇王之道盡矣上元中避地安康卒迅續詩書  
春秋禮樂五說書成語人曰天下滔滔知我者希終不以示人

新唐書劉  
云知幾傳

劉商字子夏彭城人德威四世孫大歷中詩人劉禹錫高陵令  
第進士歷尚書虞部郎中以病免有劉虞部集十卷官至檢校

禮部郎中汴州觀察判官少年有篇詠商工畫山水樹石初師

張藻張璠以造真為意自張貶竄後惻悵賦詩云苔石蒼蒼臨  
澗水溪風裊裊動松枝世間唯有張通會流向衡陽那得知名畫

記舊  
志

劉軻沛人字希仁慕孟軻為人故以名焉少為僧止於豫章高  
安之果園後復求黃老之術隱於廬山全唐文元和末進士第

洛州刺史唐書藝文志注文宗朝官宏文館學士全唐文文章與韓柳

齊名撫言白居易薦劉軻書廬山自陶謝泊十八賢已還儒風  
今讀書屬文結草廬於岩谷間者一二十人其秀出者有彭城  
劉軻開卷慕孟軻為人秉筆慕楊雄司馬遷為文著翼孟三卷  
參龍子十卷雜文百餘篇聖人之旨作者之風雖未臻極在往  
而得予佐潯陽二年軻每著文輒來示予予知軻志不息異曰  
必能跨符楊攀陶謝軻一旦盡齋所著書及所為文訪予告行  
欲舉進士予方淪落江海不足發軻事業又羸病無心力不能  
徧致書臺省故人因援紙引筆寫胸中事授軻曰此為予謁集  
賢庚三十二補闕翰林杜十四拾遺金部元公監察牛二侍御  
人物傳

秘省蕭正字藍田楊主簿兄弟彼七八君子以子愚直常信其言苟於今不我欺則子之道庶幾光明矣

王駕字大用彭城人大順元年第進士有集一卷舊志

五代漢張沆字太元徐州人父嚴本州牙將沆少力學攻詞賦登進士第唐明宗子秦王好文沆初以刺史謁秦王屬台座客各為南湖廳記因謂沆曰聞生名久矣請為此文及羣士記成獨取沆所為勒之石繇是署為河南府巡官秦王敗勒歸鄉里晉初桑維翰秉政沆以文干進用為著作佐郎集賢校理遷右拾遺維翰出鎮奏為記室從維翰入朝授殿中侍御史歲餘自侍御史改祠部員外郎知制誥召入翰林為學士維翰罷相馮玉用事不欲沆居禁密改右諫議大夫罷其職漢祖至汴改右常侍復用為學士未幾遷工部尚書改刑部尚書廣順二年秋

命為故齊王高行周冊贈使復命而卒贈太子少保沆性儒雅好釋氏雖久居祿位家無餘財死之日圖書之外唯使輶之費耳舊五代史周書本傳

劉袞彭城人神爽氣俊富有文藻繇進士第任左拾遺與扈載齊名年二十八而卒舊五代史本傳

宋郭延澤字德潤廷謂兄子廷謂見南唐試秘書省正字乾德

中四遷著作佐郎轉殿中丞知建州淳化二年太宗聞延澤泊右贊善大夫董元亨皆好學博通典籍詔宰相召問經史大義皆條對稱旨命為史館檢討歷國子周易博士國子博士咸平中求林退授虞部員外郎致仕居濠州城南有小園以自娛其詠壯丹千餘首聚圖籍萬餘卷手自刊校范杲韓丕皆與之游

人物傳

同治余州府志卷第二十三之三

景德初卒子元亨亦至虞部員外郎

宋史郭延謂傳

晁迥字明遠世爲澶州清豐人自其父佺始徙家彭門迥舉進士爲大理評事遷太常丞眞宗卽位用宰相李端參知政事李沆薦擢右正言直史館獻咸平新書五十篇又獻理樞一篇召試除右司諫知制誥判尙書刑部進翰林學士同修國史知大中祥符元年貢舉封泰山祀汾陰司太常詳定儀注累遷尙書工部侍郎使契丹還奏北庭記加史館修撰知通進銀臺司獻玉清昭應宮頌其子宗操繼上景靈宮慶成歌帝曰迥父子同獻歌頌指紳聞美事也史成擢刑部侍郎進承旨時朝廷方修禮文之事詔令多出迥手嘗夜召對帝令內侍持燭送歸院方盛暑爲蠲宿直令三五月一至院迥辭以非故事乃聽俟秋還

直仁宗卽位遷禮部尙書以太子少保致仕給全俸歲時賜賚如學士天聖中迥年八十一召宴太清樓免舞蹈子宗慤爲知制誥侍從同預宴迥坐御史中丞之南與宰相同賜御書飛白大字進太子少傅後復召對延和殿帝訪以洪範雨暘之應對曰比年災變薦臻此天所以警陛下願陛下修飭王事以當天心庶幾轉亂而爲祥也旣而獻斧宸慎刑箴大順審刑無盡燈頌凡五篇及感疾絕人事屏醫藥具冠服而卒年八十四罷朝一日贈太子太保諡文元迥善吐納養生之術通釋老書性樂易寬簡服道履正雖貴勢無所屈歷官臨事未嘗挾情害物眞宗數稱其好學長者楊億嘗謂迥所作書命無過褒得代言之體喜覓正經史疑義標括字類有以術命語迥曰自然之分

人物傳

司台余...卷第...下之上 七

天命也樂天不憂知命也推理安常委命也何必逆計未然乎

宋史本傳

顏太初字黯之徐州彭城人顏子四十七世孫少博學有雋才慷慨好義喜爲詩多譏切時事天聖中亳州衛眞令黎德潤爲吏誣搆死獄中太初以詩發其寃覽者壯之文宣公孔聖祐卒無子除襲封且十年是時有醫許希以鍼愈仁宗疾拜賜已西向拜扁鵲曰不敢忘師也帝爲封扁鵲神應侯立祠城西太初作許希詩指聖祐事以諷在位又致書參知政事蔡齊爲言於上遂以聖祐弟襲封太初中進士後爲莒縣尉因事忤轉運使報劾去久之補閬中主簿時范諷以罪貶同黨皆坐斥齊與道輔薦太初上其所爲詩召試中書言者以爲此嘲譏之詞遂報

改臨晉主簿前此有太常博士宋武通判同州與守爭事恚死守憾之摺搆其子以罪發狂亦死父子寓骨僧舍時守方貴顯無敢爲直寃太初因事至同州葬武父子蘇舜欽表其事於墓左後移應天府戶曹參軍南京國子監說書卒所居在晁繹兩山之間號晁繹處士

宋史文苑本傳

李淑字獻臣彭城人年十二眞宗幸亳獻文行在眞宗奇之命賦詩賜童子出身試秘書省校書郎冠準薦之授校書郎館閣校勘乾興初遷大理評事修眞宗實錄爲檢討官書成爲光祿寺丞集賢校理爲國史院編修官召試賜進士及第改秘書郎進太常丞直集賢院同判太常寺擢史館修撰再遷尙書禮部員外郎上時政十議改知制誥以右諫議大夫知許州歲饑取

人物傳

司台徐州府志卷第二十五

七



民所食五種上之帝惻然為蠲其賦歷官翰林學士端明殿學士除兼龍圖閣學士出知河中府暴感風眩卒贈尚書右丞淑警慧過人博習諸事詳練朝廷典故凡有沿革帝多諮訪制作誥命為時所稱其他文多裁取古語務為奇險時人不許也宋史

李若谷傳

劉顏字子望彭城人少孤好古學不專章句師事高弁舉進士第以試秘書省校書郎知龍興縣坐法免久之授徐州文學居鄉里教授數十百人採漢唐奏議為輔弼名對馮元劉筠錢易滕涉蔡高上其書除任城主簿歲饑發大姓所積粟活者數千人李廸知兗州青州皆辟為從事卒著儒術通要經濟樞言復數十篇石介見其書歎曰恨不在弟子之列子座自有傳宋史

寇元弼徐州人父某嘗官太常少卿元弼仕為許州司戶參軍里居時郡守蘇軾與之游陳無己嘗序其集蘇詩

顏復字長道太初子

按宋史太初傳云徐州彭城人復傳又言魯人今從太初傳

嘉祐中詔

郡國散訪遺逸京東以復言凡試於中書者二十有二人考官歐陽修奏復第一賜進士為校書郎知永甯縣熙甯中為國子直講元祐初為太常博士建言士民禮制不立下無矜式請令禮官薈萃古今典範為五禮書又請考正祀典凡曲學道流術家之法一切芟去俾大小羣祀盡合聖人之經為後世法遷禮部員外郎屢轉中書舍人兼國子監祭酒言太學諸生有誘進之法獨教官未嘗旌別似非嚴師勸士之道未踰年以疾卒王巖叟等言復學行超特宜加優賻詔賜錢五十萬子岐建炎中

人物傳

司台徐州府志卷之二下之五

三

爲門下侍郎

宋史本傳

陳師道字履常一字無己彭城人少而好學苦志年十六以文謁曾鞏一見奇之許其以文著時人未之知也留受業熙甯中王氏經學盛行師道心非其說遂絕意進取元祐初蘇軾傳堯俞孫覺薦其文行起爲徐州教授又用梁燾薦爲太學博士改教授潁州罷歸家素貧或經日炊妻子慍見弗恤也久之召爲秘書省正字卒年四十九友人鄒浩買棺斂之師道高介有節安貧樂道於諸經尤邃詩禮爲文精深雅奧喜作詩自云學黃庭堅至其高處或謂過之然小不中意輒焚去今存者纔十一世徒喜誦其詩文至若奧學至行或莫之間也嘗銘黃樓曾子固謂如秦石初游京師踰年未嘗一至貴人之門傳堯俞欲識

之先以問秦觀曰是人非持刺俛顏色伺候乎公卿之門者殆難致也堯俞曰非所望也吾將見之懼其不吾見也子能介于陳君乎知其貧懷金欲餽比至聽其議論益敬畏不敢出章惇在樞府將薦於朝亦屬觀延至師道答書謝之及惇爲相又致意焉終不往官潁時蘇軾知州事待之絕席欲參諸門弟子間而師道賦詩有嚮來一瓣香敬爲曾南豐之語其自守如是與趙挺之友壻素惡其人適預郊祀行禮寒甚衣無棉妻就假於挺之家問所從得却去不肯服竟以寒疾死宋史本傳參東都事略魏衍彭城人遊陳師道之門師道吟詩至苦竄易至多有不如意則棄稿世所傳多僞衍編輯師道詩得六卷文得十四卷詩話談叢各爲集人稱爲善本云四庫館全書提要却掃編

人物傳

同治徐州府志卷第二十二下之五

古

葛進卿碭山人登進士第工為文秘書正字王仲雅博學好古

遊碭山與之倡和服其才縣志又寇國寶字荆山徐州人吳縣主簿工詩從陳無已學他北偶談

金邵師古碭山人大定中進士為人蘊藉善談論文賦詩筆截

然有律碭山志引中州志張介字介夫彭城人與王鬱飛伯游從最久

因學齋雜錄歸潛志

元傅汝礪字若金官陝西道御史政事卓異後遷朝列大夫浙

江廉訪使僉事文章典茂為時所稱著有詩集八卷歌行類子

美七律亦有格調不似宋人俚體祀鄉賢江南通志池北偶談

錢復號北山錢敏字好學彭城人余淵下邳人俱見元詩選

明劉恭字政亨洪武中官山西陵州訓導謫戍泗州從燕兵渡

淮授百戶永樂初改建甯通判擢禮部員外郎與修永樂大典

又有劉維新諸生亦以與修永樂大典授中書舍人遷戶部主

事皆徐州人舊志銅山志

黃導字端木遷學純行能為古文詞嘗有句云十分貧也還栽

竹四壁蕭然不賣琴高致可想譚師叔字景賢諸生不樂仕進

蓄古書甚富尤精周易聶應登以貢官盱眙廬江訓導明末變

亂告歸年八十尚讀書不倦嘗手纂六經圖若干卷宋坤號簡

吾貢生好學多著述晚歲尤精於易皆徐州人銅山志

吳應期字昌侯徐州人以貢官知縣擢通判多循績工詩邵自

昌嘗序而刻之

房棟字子材徐州人祖友信洪武中以文學薦授翰林檢討棟

博學通經術有文譽由國子生授知山西崞縣致仕著古今書

人物傳 司台徐州府志卷第二十一上之五

籍甚富所造益該洽

善志以上銅山

李紹芳字芝亭性至孝父母歿廬墓好學嗜書後官永昌通判攝保山知縣判牒悉出手裁晚歲築其學臺於東山昕夕往還自跨疲馬童子負笈從之許作楫字二濟明末膺選貢舉賢良方正不就好讀左傳莊騷善屬文居嶂山芙蓉湖上蕭然高寄人稱畫岩先生嘗手纂蕭縣志彭縉字北田諸生工文辭蕭令康煒修邑志屬縉屬草後又精醫術任汝字近魯諸生通經史好爲古文詞晚謝舉業優游泉石壽九十四許元字子又工爲古文詩格道上書亦奇矯嘗之京師與張溥蔣鳴玉楊廷樞諸人游咸稱其才卒不遇而死任亞龍字霖埏歲貢生廷試上疏請遷蕭城爲部議所格後官六合訓導蕭當流寇亂後殺戮以

萬計亞龍檢其無主者聚掩之詔表其閭亞龍通五經尤長春

秋纂邑志一帙皆蕭人

江南通志蕭縣志

宗鉉字伯玉十築獐鹿山自號盆谷山人著有泮溟齋花竹泉石四譜李本甯陳眉公趙凡夫爲之敘歐陽憲文字繩六工爲文徐郡有十傑憲文其一也著有學庸正解東山社遺藁張元煌字含光增生性敦樸喜讀書晚年尤多著述張應宗字虹橋性狷介爲文不事華藻曉音律任繁昌訓導遷亳州學正王作標字建若詩古文詞峭勁有法明季膺選貢第一晚年卜築湖東之別墅賦詩飲酒不履城市又有王之麟工詩賦書畫精妙許輝祖號無垢諸生好學能文皆蕭人

蕭縣志

寇文英蕭人由歲貢授祥符訓導遷石埭教諭勤學課士稱名人物傳

師姪自謙諸生有雋才放浪詩酒又有縱慎蒙字憲臣由歲貢任汧陽教諭長於詩以上蕭縣

魏益洪武辛亥進士力學攻苦時同里多以武功顯嘗竊笑之

益曰吾豈以百夫長易一諸生耶卒以文名倪鼎永樂戊戌進

士平生作詩文不與人苟同見人有類己者輒自焚其草見稱

於李時勉又有王懌正德丁卯舉人嘗著詩文一卷走大梁謁

李空同曰非近時作也皆陽山人陽山志

邵重聘號龍西陽山諸生父良卿良卿見孝友傳重聘工文詞喜曲成

後進一時文士多出其門子宗元宗元見忠節傳宗元子導苦志勵學

工詩文保定之難常以不得同死為憾作七哀詞讀者悲之導

子佐幼聰慧讀書一覽即解長而能文善詩賦以拔貢任安東

訓導再任繁昌卒陽山志

李嘉言嘉靖中貢生任膠州州同遷按察司經歷性剛直不避

權勢罷歸邑令王廷卿創修志乘多出嘉言與王自勉之手王

自勉者萬曆丙子貢生歷滕縣甯海瑞安教官皆以稱職聞博

學多才工古文詞又有王毓真崇禎乙亥拔貢嗜古力學毓真

子錯亦有文名嘗修邑志王文煥歲貢生以詩古文知名任太

平府教授黃琮諸生善草書類張長史詩文尤不羈性嗜酒自

號酒道人皆陽山人陽山志以上

季春煦字景淵由歲貢官常州府訓導好學博古有知人鑒常

識周延儒於寒素著有豐邑古今考今古時務十一議等書

董漢儒字策三由拔貢任濟甯教諭工詩文張逢宸字觀生詩

人物傳  
司台余州府志卷第二十一下之七

歌古文俱追先哲尤長於真草書以明經爲廬江教官告歸後  
嘗纂修邑乘又有渠澄清由貢任訓導嘗修邑志崔大倫字五  
全太學生好讀書博聞強記見稱於時郝敬字允恭正統間歲  
貢任江西新城訓導鄖城教諭通五經工詩四十妻亡止一子  
終身不娶皆豐人豐縣志以

上豐縣志以

高飛字子翀宿遷人詩文清麗弟冠與齊名人稱二高蔡洞字  
宏濟工詩善屬文遊南雍大司成呂柟亟稱之吳希孟字醴甫  
工古文辭知名齊魯間何九州字仲敷博學工詩初爲邑諸生  
後棄去與山陰徐渭友善渭推重之九州門人楊榆亦工詩以  
狂疾卒飛洞皆舉人洞官樂亭靈都知縣希孟貢生官新泰訓  
導舊志宿遷志

邱成大睢甯諸生文名噪一時有門人劉永慶者天啟丁卯舉  
人任浮山知縣陞開州知州亦有文譽以上

國朝李蟠字仙李號根菴向陽孫向陽見人物列傳丁丑進士殿試第一官

修撰有文譽書法趙松雪詩篇瀟灑爽逸人不能及己卯主順  
天鄉試名彥林立如虞山西林溧陽王相國皆出其門子杜杜  
子光璧皆工詩文銅山志

朱邁字旋吉本蘇州吳縣人從父遷於徐貌古秀善詩詞李修  
撰根菴聞旋吉名折簡招之或曰旋吉不可招也根菴笑曰旋  
吉誠高士吾獨不能造門請乎遂命駕訪之訖不得見其孤介  
類此銅山志

丁泗吉字淑尼幼穎悟及長工駢體文詩有唐音雍正乙卯舉  
人物傳

於鄉以明通榜授繁昌教諭調金山卒官徐淵字潛思乾隆癸酉拔貢以能書名詩五言法二謝張薰字賡南歲貢生與弟易齋俱有雋才工詩賦人稱二張鄧鳴韶字虞乙廩生事親以孝聞工詩古文蔣士桓歲貢生幼稟家學無書不讀詩文雄偉卒年九十餘吳澣字潮菴歲貢生家貧力學精研四子書著有講義數十卷吳端原名謙字皆吉歲貢生善飲酒工詩性剛介邑令施公欲延課其子辭不就嘗曰古人非公事不至官署今雖有公事亦不可至時以為名言經迺濟字云既歲貢生工書得右軍筆意晚年嘗集李杜詩工巧如己出選授靈壁訓導以疾辭韓毓樞字圖南本浙江餘姚人父為徐州衛尉卒於徐囚家焉以諸生中乾隆辛酉舉人選於理學精研四子書多前人所未發後官浙江大嵩鳴鶴場大使胡汝洵字繼眉城西關人廩生有學行韓維溶字我容武生喜詩賦見賞於學使張公廷璐汪廷瑞字魯玉廩生少穎悟過目成誦工詩文張念祖字聿修善屬文喜賓客所交皆知名士徐備字維人諸生家貧隱居養親不求仕進以經義教授魏士儀字蘊含歲貢生屢試不售遂棄時藝專心四子書及諸經注疏皆銅山人

銅山志

李綺字季里銅山人生有夙慧以拔貢考補正藍旗教習後中順天副榜揀發四川補榮經縣歷陞江西甯州知州甘肅臨洮知府調廣西潯州所至有循吏聲著述甚多見經籍攷

銅山志

程苞九字復齋銅山廩生篤學工詩文子善慶字遠園歲貢生書法顏魯公為時所重善慶弟譽慶字吉元由廩生應試順天

人物傳

同治徐州府志卷第二十二下之十一

取謄錄筮仕福建直隸州州判亦以能書名

陳景純字于上貢生博綜羣書多著述有名乾隆間陳式瀚字晏波恬退好學自號澹澹子兼通醫理多所全活

張松友字鶴年銅山人歲貢生勤於學寒暑弗輟性能強記以該博見稱嘗作黃樓賦才藻傾動一時子蜀錦字浣江諸生剛直不阿行誼爲里人所重

張坤字厚菴銅山人拔貢生以教官候銓性孝友問學淵洽士林重之兄增弟墳皆諸生以學行著

孫運錦字繡田銅山人道光乙酉拔貢咸豐元年舉孝廉方正性穎悟讀書過目不忘宿遷王氏多藏書運錦館於其家手鈔心識晝夜不倦故所學益博詩賦冠絕一時嘗遊淮揚間有江

南才子之目遭亂避兵夏鎮住條無聊而好學不倦嘗獨步榛莽訪求古碑碣見者稱爲奇人明萬壽祺詩文八散佚運錦哀纂爲隰西草堂集其文由是得傳徐郡志纂自乾隆之初迄今百餘年運錦欲重修之廣搜古載籍自史鑑至唐宋人小說無不備采著徐故七冊凡十餘年書未及成而卒年八十又有崔演字星槎歲貢生工詩嘗移家夏鎮二人者夏鎮人至今稱之漢弟濛附生操行謹飭善書亦能爲詩

以上銅山

吳作樟字文潔工書客從弟作哲杭州府署與興化鄭燮善燮故傲睨然獨善作樟嘗醉後書擘窠大字燮甚欽服之又嘗於金陵佛寺書大雄寶殿四字字徑數尺觀者悚然仍能懸肘作楷詩學陶韋又有縱良嗣字續古官泰興縣訓導工詩善書任

人物傳

同治餘山詩志卷第二十二下之上

三



琬字石田雍正癸卯拔貢王士毅字體乾皆善書精篆刻琬又喜爲詩古文詞平生奔走足跡徧天下士毅好作詩與弟士元相唱和名覆瓿集張名宿字拱維廩生性高曠工詩尤喜填詞王懷智字溶哲乾隆丙午副榜善屬文皆蕭人

祖箕芳字克弓貢生工古文喜吟咏與許作楫交稱莫逆同纂蕭志陳是字遺西敏於才下筆萬言立就以歲貢生授來安訓導不赴兩舉鄉飲賓亦固辭范紹宗字薪傳貢生有文譽邑令延課其子不就杜門謝客以著書自娛王佶字半溪乾隆庚辰舉人不樂仕進構靜室於冒山閉戶著書文行爲時所宗王份字樸園乾隆辛卯舉人工詩與兄佶齊名梁恆基歲貢生好學敦篤文行高潔縱司灼字俊三廩貢生好學博覽耽吟咏徐涓

字深田乾隆丁酉拔貢孟傳心字宗舜恩貢生張斗南字仿傑增生馬廷萱字宜堂皆以能文名皆蕭人

蕭縣志

施兆麟字靈昭雍正乙卯拔貢學問淹博尤熟於注疏主講鳳山書院一時績學之士如徐大猷縱若愚皆出其門選貴州獨山州同知撫馭有方苗眾帖服以疾卒官徐大猷字克壯少聰慧讀書過目不忘性豪邁喜交遊邑有義舉皆大猷爲首倡縱若愚字景顏少貧隨工作刈禾鎔傷額見族塾童子讀書羨之由是勤學攻苦工爲文以諸生舉乾隆乙酉拔萃科甲午復中副榜選授姚州州判尋補吉水丞歷二年告歸皆蕭人

蕭縣志

人物傳

司台余州府志卷第二十二下之上

蕭縣志

楊晤字與可蕭人書法鍾王至老益遒勁吳作樟實晤弟子擘窠書尤得其傳云

劉青黎字遐廬一字隰山蕭人優於學而不求科第規人以善鄰里重之吳煜字明若蕭諸生性迂謹不妄交遊日手一編不預外事二人者皆以能詩稱所著文詩燬於兵燹當世惜之吳甫字杜陵蕭諸生博學尤嗜古金石文字非三代兩漢之書不讀所著騷賦策論銘贊古奧穠麗詩工眾體而骨堅氣厚不肯猶人居臨大河一日正吟嘯自得水驟漲岸崩屋隨圯鄰人負之出曰方聽濤聲何遽如是耶其曠達類此

王柱字砥中蕭人幼聰穎尤刻礪於學讀書務實際而爲文溫厚爾雅生平以禮自繩士林則之由歲貢任和州訓導道光辛

巳年八十五

恩賜舉人癸未

賜國子監學正未

幾又以五世同堂

旌表壽至九十五

屈鳴塵字衡璣蕭諸生博通經史四方學者多來就正惜不永年而卒孫開胤字彞齋廩貢生克承祖武以文名試輒冠軍學使某公嘗奇其文欲延之課子胤以親老固辭與兄開鼎有元方季方之目鳴塵弟鳴琨字華堂廩生爲學攻苦嘗捐貲建文昌精舍及魁星樓爲親朋肄業地延宿松孝廉高陵爲師多所成就

李扶蒼字徒南蕭諸生沈靜好學與弟翦蒼俱有文名翦蒼歲

貢生官蕪湖教諭

以上蕭縣

李翔鴻字遵陸別號祝雞翁諸生博覽古籍長於吟咏工書呂

人物傳

同治徐州府志卷第二十二下之上

三

湖字夏珍王之本字務滋汪鎮字滋蘭皆歲貢生胡國光字子  
燦廩生陳爾耆字眉齡陳爾壽字松齡皆貢生王世德字凌衢  
此數人者皆博學能文有聲於時又有紀甲第仝際昌曹廷翼  
汪公澍張三元汪大受大受又見義行傳胡麟趾皆諸生順治六年修  
明史知縣趙啟建延請採纂碭山實錄皆碭人碭山志  
王文軒恩貢生李培歲貢生朱錫夢張東川廩生郭作謀武廷  
珍李方華王雲表汪毓騏姬珩諸生張宗程朱肇泰處士諸人  
者皆能勵品勤學教授生徒多所成就培嘗與修邑志雲表工  
楷法毓騏善畫珩習地理星命之學宗程精於醫皆有可稱碭  
山人

王賜玘號南峯碭山諸生工詩古文不屑科舉之學嘗聚漢魏

以來講易諸書熟讀精思四十餘年著周易繹

周應溪碭山布衣學問宏博尤熟於古今地理嘗作禹貢山水

攷論者謂可與胡朏明並傳云以上碭山

劉湘字子琴父生龍事母以孝聞湘由歲貢歷霍邱訓導丹陽

教諭太倉學正去任為諸生所懷工為詩文又有季三翰字仲

伸工詩居近白駒山自號白駒山樵李涵虛張冕張本長皆好

學有文名皆豐人冕諸生豐縣志

陳于尚豐人歲貢生好學敦篤生平致力於四子書玩索義理

所著四書繹獨標旨蘊擺脫講章家窠臼藝林重之

李崙陟歲貢生豐人嗜學能文敦品誼頗笑不苟讀書華山之

麓閉戶潛修人罕識其面弟子尹廣佈劉介眉能傳其業以文

人物傳

名廣佈廩貢生介眉歲貢生

蔣兆鯤豐人父德璟拔貢生績學尚義嘗倡修文廟邑人稱之  
兆鯤少穎悟有文名壯歲入翰林居京師出所為文宿學皆歎  
為莫及後以京員差東河學習以知府用俄擢道員積勞卒於  
官

李著熙字敬輿豐人父楓篤信宋儒善經術著熙則究心漢學  
積書八百餘種稟經酌雅以古義示家訓嘗著駁銅山志九則  
持論中肯縻有史識以謄錄館議叙得州判不就

以上豐縣

閻圻字堃掌沛人祖爾梅明崇禎庚午舉人博學工古文詩尚  
氣節甲申之變闖逆使其偽防禦使武愷至沛沛人響附爾梅  
避居微山愷屢使招之爾梅為書貽愷愷大愧悔見爾梅集後以碎

牒大罵愷下之獄愷敗乃免小牒紀年赴史可法之聘時高傑為許

定國所殺河南大亂爾梅勸可法西行鎮撫之不從遂拂衣去

見爾梅文集自號白奩山人父哭字秩東有孝行能守父志圻康熙

己丑進士入翰林官編修與修三朝國史雍正元年以纂修明

史稱 旨授工科掌印給事中充甲辰會試同考官以病

乞假卒於家圻天性孝友好學不倦居職勤慎子陳錫營事府

主簿圻弟致字千秋歲貢生性恬靜足不履城市補縣志叔子歲

貢生阿錫字在魯阿錫子文源字希邵文源子憑字心山又諸

生閻焯貞字俊三閻焜貞字晉光皆有名

郝繼隆字允善崇禎末選貢砥行嗜學不樂仕進郝鑣字石友  
嗜學工文詞不慕榮利朱重光字繼照隱居嵐山之陰以詩酒

人物傳

司台余州府志卷第二十二下之上

三

自娛尤工繪事皆沛人

舊志沛縣志

朱其闔字伯宅沛增生明天啟間隨祖君仁宦遊京師嘗奉東林諸君子教既長會文金山名藉甚好山水嘗登九華蠟屐所至窮極幽險篇什由是益富又有歲貢生葉湘管葉崇嘯趙汝翼朱訓典諸生趙履平蔡蘭鵠處士張坤貞張懋斌監生楊淇俱遂於學以五經教授鄉里及門皆端士履平以能書名坤貞懋斌淇皆工詩

卜世昌字和鳴沛諸生先賢裔也性嗜學至耄不輟著有四書集義二十卷年九十三兩蒙

華旃監生道光三年

恩賜粟帛從曾孫端甫字

廣運選舉報部隨同衍聖公陪祀禮成

恩賜入監肄業

王定勳字和菴沛人博學嗜古嘗與山陰童二樹交館其家數年相倡和二樹推重之

以上沛縣

徐用錫字直長

四庫總目云字畫堂

宿遷人少好學有文譽遊京師占籍

大興中康熙乙卯舉人安溪李文貞公延課諸孫每朝回輒與講明為學之要用錫步趨惟謹由是所學益邃自經史性理旁及樂律音韻歷數書法咸造其奧己丑登進士選庶吉士授編修文貞承修朱子全書周易折中性理精義用錫皆與分纂焉乙未分校會試尋罷歸雍正元年李紱巡撫廣西請以用錫為書院長既而中止乾隆初召授翰林院侍讀時年八十

命修三禮尋予原品休致卒於家用錫篤於倫誼平生睦嫻族待師友皆有可紀晚年所養益醕及歿視聽不亂作文以樸澹

人物傳

司台徐州府志卷第二十二下之上

五

為長極工書法集中字學劄記二卷皆自道其心得其題跋亦皆辨論法帖手跋者居多云

舊志四庫全書提要

吳隱字存已宿遷人父明德

明德見忠節傳

隱工詩精于醫子之珩以

歲貢授知推母老辭不就

宿遷志

曹養中字全義專精性理之學教授邳郊間不計修脯子澄濂

澄子斌金俱以文行稱於時陳玉鄰字樾齋由舉人歷官至潞

安知府有治績尤好詩古文皆宿遷人

以上宿遷

周世璽順治戊子拔貢復中是科副榜康熙初官四會知縣以

賢能著世璽為諸生時即有文名當時司衡鑒者賞為奇才云

舊志惟甯志

邳連峯恩貢生惟甯人

欽賜國子監學正官定遠教諭

好讀書邃於易嘗手批易經數過

以上惟甯

人物傳

同治徐州府志卷第三十二下之三

候選訓導崔丹桂於

同治徐州府志卷第二十二下之下

人物傳 藝術

漢司馬季主者楚人也卜於長安東市宋忠為中大夫賈誼為博士嘗相從論議誦易先王聖人之道術究徧人情相視而歎

史記日者列傳

樊阿彭城人學醫於華陀善鍼術凡醫咸言背及胸臆之間不可妄鍼鍼之不過四分而阿鍼入一二寸至胸臆乃五六寸而病者皆瘳壽百餘歲

三國志華陀傳

三國吳嚴武字子卿衛尉峻再從子也

案羣輔錄作嚴宗武峻從子

圍碁莫

與為輩與皇象宋壽曹不興鄭姬吳範趙達劉惔八人世皆稱妙謂之八絕云

三國志趙達傳注引吳錄

人物傳

同治徐州府志卷第二十二下之下

齊劉瑱彭城人繪弟善畫婦人世為第一

南齊書劉繪傳

梁劉孝先劉靈文學之外復佳畫法翫閱古今特可寶愛

顏氏家訓

雜藝篇

彭城劉岳素之子也仕為驃騎府管記平氏縣令才學快士而

畫絕倫從武陵王入蜀下牢之敗遂為陸護軍畫支江絕壁

顏氏

家訓雜藝篇

北魏沙門僧坦彭城人精醫李亮在彭城嘗就研習盡其術

魏書

藝術傳

明李冠字公冕徐州人博學能詩文善隸書任才使氣不拘小

節晚以醫名於時

舊志

裴仕傑徐州人通儒書習陰陽之術永樂初徵天下儒碩纂修

大典仕傑以陰陽家預焉

舊志

周昉字彥華徐州人通天文陰陽之術景泰元年從征福建以

占候有功授欽天監靈臺郎遷監副卒子佐歷官光祿寺少卿

儒歷官應天府丞佐子淪欽天監冬官正皆世其業

舊志

宗文魁徐州人為瘍醫多奇效而性好施予得錢輒以助人婚

喪危難事母以孝聞

舊志

袁貫徐州人精醫術尤善鍼法治疾多奇效有老狐貌為人詣

貫治疾貫診之識其為獸狐驚以實告與藥愈之有貧家婦以

難產死舁棺往瘞血出於隙貫見之以為血鮮未死啟而治之

復蘇

舊志

路可泰蕭人五歲即習術數為人推星度多奇中尤精易占言

人物傳



禍福無不驗

舊志

修道於果老洞中

江南通志

陳表沛諸生善書兼工畫梅同時有王選者善畫竹得夏太常筆意其後監生趙漢畫翎毛最善時人爲之語曰陳表梅花王選竹趙漢翎毛天下無漢嘗爲四川經歷華陽郡王慕其名使畫新塗壁漢方被酒撥墨壁上淋漓至地王大恚及醒援毫點染頃刻畫成而神彩軒騰飛走萬狀王歎服

舊志

鹿鳳沛人幼習百家陰陽雜書尤善法術嘗寓鳳陽歲旱郡守延之禱於壇果得大雨由是知名後沛邑遇旱衆卽延鳳禱之輒應

周溥沛人習醫爲人療疾多一服而愈嘗至京有院官內人暴疾醫人數十輩不能治溥診之曰傷暑時方冬月官怪訊其內

人曰昨驟寒因啟篋取七日所暴棉衣著之遂病因使進藥一劑而愈

舊志

孟思賢字齊之沛人工繪事尤精泥金人物萬厯間中使張洪嘗以進呈召見文華殿命寫御容稱旨授錦衣衛千戶

舊志

姜居安豐人居沛之沙河鎮以醫名嘗有達官攜家過沛泊沙河稚子病居安令取沙一斗布舟中臥兒其上久之兒手足漸動不數時疾良已問其故曰小兒純陽當春月衣皆湖綿過熱故得涼氣而解耳

舊志

李復字明善豐縣人通陰陽算數之學官南京欽天監副第登字從善爲夏官正後遷監副

舊志

國朝崔嶽字維宗徐州人精幼科臨症如鑑用藥如響然不以人物傳

醫為利性好佳山水每以未遍九州為憾著痘疹詳辨行於世

舊志

孫桐字華階蕭縣人幼習騎射為武學生善書尤精於畫

蕭縣志

王為翰號西園蕭縣人為屏弟也性曠逸少為諸生即淡名譽

作別墅於冒山之麓額曰亦足齋喜吟咏工畫墨竹每酒酣興

到輒信手揮寫濃淡疎密各臻妙境嘗題句云靜對幽篁暑氣

消數竿移植上生綃醉來橫抹無章法錯認揚州鄭板橋

蕭縣志

袁汝霖字天泉蕭縣人性豪邁不羈嗜畫初學王石谷筆意秀

曼綬輿山人張太平見而奇之授以古法畫由此益進後在張

太守愛鼎幕中十餘年遊歷豫東山水徧覽收藏家名人真蹟

刻意摹仿渲染設色深得婁東三王之妙

蕭縣志

劉道士名本銘字奉盤號雲巢蕭縣人幼失怙恃入真武觀為

道士喜讀書耽繪事尤工山水好鼓琴為人恬退一介不苟取

與廟宇傾圯道士俯仰其中食常不給佐以山蔬飽則掬泉飲

浣興至或調軫染翰或雜蒔花木翛然自得雖貧困晏如也作

山水得二王法清麗似石谷高曠追麓臺晚年用筆若夢若霧

空靈無匹脫盡畫家氣習咸豐三年卒壽八十有一

劉貞甫碭山人造銅器精巧絕倫嘗為彭城萬年少造準提像

高二寸許三年而成臂十八手中各有所持一手擎七級浮圖

每級四面各佛一尊法象莊嚴無毫髮遺憾所謂神工鬼斧也

筠廊偶筆

汪在泖陽山貢生工書善畫尤長墨竹筆意瀟灑得元人風致

人物傳

惜早死不得聞名於時

陽山志

許天榮號錫九礪山人人品高潔以善畫知名

陽山志

孫翔鳳附貢生豐縣人精醫術求診者踵接無不應手奏效

孫毓崙豐縣人年十八客京師從吳閻張舒學畫盡其術作花卉草蟲禽魚天然生動邑人師義之史著勲皆出其門以畫名陳九儀歲貢生能詩工書畫葉鳳彩歲貢生工書王玉樹歲貢生能詩善書皆沛人

李振翰字仲鶴沛諸生工畫避亂夏鎮好以墨寫蘭竹菊梅古秀異俗嘗天寒不寐擁衾朗誦古文詩詞往往達旦聲淵然如出金石云

陳鐸字大聲邳州人家金陵以世襲官指揮風流儻工爲樂

府有聲於時山水仿沈周

湯應曾邳州人善彈琵琶故人呼爲湯琵琶貧無妻事母甚孝所居有石楠樹構茆屋奉母朝夕幼好音律聞歌聲輒哭已學歌罷又哭其母問曰兒何悲應曾曰兒無所悲也心自淒動耳得陳州蔣山人琵琶法入周藩府王召見賜以碧纓牙篋琵琶令着宮錦衣殿上彈胡笳十八拍哀楚動人王深賞歲給米萬斛以養其母由是著名大梁間然頗自矜重不妄爲人奏後征西王將軍招之隨歷嘉峪張掖酒泉諸塞一日至榆關大雪馬上聞箏篋忽思母痛哭遂別將軍去夜宿酒樓不寐彈琵琶作箏篋聲聞者莫不隕涕及旦隣婦奔之應曾曰若能爲我事母乎婦許諾遂載之歸旣應襄王聘居三年偶汎洞庭風濤

人物傳

大作舟人惶擾失措應曾匡坐彈洞庭秋思稍定舟泊岸見一老猿鬚眉甚古自叢箐中跳入篷窗哀號中夜天明忽抱琵琶躍水中不知所往已歸省母母尙健而婦已亡惟居旁坏土在焉母告以婦亡之夕有猿啼戶外啓戶不見婦謂我曰吾待郎不至聞猿啼何也吾殆死惟久不聞郎琵琶聲倘歸爲我一奏石楠之下應曾聞母言掩抑哀痛不自勝夕陳酒漿彈琵琶于其墓而祭之自是猖狂自放值寇亂負母鬻食兵間所彈古調百十餘曲大而風雨雷霆與夫愁人思婦百蟲之號一草一木之吟靡不于其聲中傳之而尤究心于楚漢一曲淒壯悲怨狀楚軍敗沒纖悉皆形於聲使聞者奮發感歎不覺涕泗之沚然也其感人如此應曾年六十餘流落淮浦有桃源人見而憐之

識其母同至桃源後不知所終

節錄王獻定湯琵琶傳

人物傳

釋道

商彭祖名籛鏗大彭氏後仕爲大夫得養生術年八百歲

神仙傳

赤須子豐人也豐中傳世見之秦穆公之主魚吏也數道豐界

灾異水旱十不失一食柏實石脂絕穀齒落更生細髮復出後

去之吳山

文選蜀都賦注引列仙傳

漢清平吉豐人高祖卒也光武時年二百餘歲容貌益少

神仙傳

周義山字季道丞相勃裔孫元鳳中有黃泰者著敗衣賣芒履

於陳留日方面有光義山奇之泰後詣義山曰我中岳仙人蘇

子元也聞君好道是以相詣授以長生之術後義山白日昇舉

號爲紫陽真人

豐志

人物傳

張陵字輔漢豐人七歲通道德經舉賢良方正不就入蜀得九鼎丹經成丹餌之年六十容貌益少又得秘書通神變化驅除妖鬼既而與弟子趙昇王長遷鶴鳴山中受上真秘籙桓帝永壽元年正月七日與妻雍氏白日昇舉時年一百二十三歲

傳

仙神

李仲甫者豐邑中益里人也少學道於王君服水丹有效兼行遁甲能步訣隱形年百餘歲轉少初隱百日一年復見形後遂長隱但聞其聲與人對語飲食如常但不可見有書生姓張從學隱形術仲甫言卿性褊急未中教然守之不止費用數十萬以供酒食殊無所得張患之乃懷匕首往先與仲甫語畢因依其聲所在騰足而上拔匕首左右刺斫仲甫已在牀上笑曰天

下乃有汝輩愚人道學未得而欲殺之我甯得殺耶我真能死汝但怨其頑愚不足問耳使人取一犬來置書生前曰視我能殺犬否犬適至頭已墮地腹已破乃叱書生曰我能使君如犬行矣書生下地叩頭乃止遂赦之仲甫有相識人居相去五百餘里常以張羅自業一旦張羅得一鳥視之乃仲甫也語畢別去是日仲甫已復至家在民間三百餘年後入西岳山去不復

還也

神仙傳

劉政者沛人也高才博物學無不覽以爲世之榮貴乃須臾耳不如學道可得長生乃絕進取之路求養生之術勤尋異聞不遠千里苟有勝已雖奴客必師事之復治墨子五行記兼服朱英丸年百八十餘歲色如童子能變化隱形以一人分作百人

人物傳

百人作千人千人作萬人又能隱三軍之眾使成一叢林木亦能使成鳥獸試取他人器物易置其處人不知覺又能種五果立使華實可食坐致行厨飯膳俱數百人又能吹氣為風飛砂揚石以手指屋宇山陵壺器便欲頽壞復指之即還如故又能化生美女之形及作水火又能一日之中行數千里能噓水興雲奮手起霧聚土成山刺地成淵能忽老忽少乍大乍小入水不沾步行水上召江海中魚鼈蛟龍鼉鼉即皆登岸又口吐五色之氣方廣十里直上連天又能躍上下去地數百丈後去不知所在神仙傳

晉彭宗彭城人年二十服業於杜冲棲真味道精貫人神嘗從師採藥忽墮深谷蹈羣蛇曾無懼色師乃授丹經五千文宗寶

而修之洞暢幽漠能三晝夜為一息或一年不動人以為死及起顏色愈鮮山中蛇虎見之潛伏後為太清真人明一統志

王元甫沛人學道於赤城霍山服青精石飯得吞曰精丹景之法內見五臟穆帝永和元年正月望日白日昇舉為中嶽真人

明一統志

杯度比邱在彭城晉書藝術鳩摩羅什傳杯渡者不知姓名常乘木杯渡

水因以為號既至彭城遇有白衣黃欣深信佛法見渡禮拜請還家至貧但有麥飯而已渡食之怡然經一年許辭去高僧傳

宋劉程之字仲思彭城人漢楚元王之後妙善老莊旁通百氏少孤事母以孝聞自負才不預時俗初解褐為府參軍謝安劉

裕嘉其賢相推薦皆力辭性好佛理乃之廬山傾心自託遠公

人物傳

同治徐州府志卷之三十一

曰官祿巍巍欲何不為答曰君臣相疑吾何為之劉裕以其不  
屈乃旌其號曰遺民及雷次宗周續之宗炳張詮畢穎之等同  
來廬山遠公謂曰諸君之來豈宜思淨土之遊乎程之乃鑿石  
為誓文以志其事文見廬山集遂於西林間北別立禪坊養志安貧

精研元理兼持禁戒宗張等咸歎仰之嘗貽書關中與什肇揚  
摧經義著念佛三昧詩以見專念坐禪之意始涉半載即於定  
中見佛光照地皆作金色居十五年于正念佛中見阿彌陀佛

玉毫光照垂手慰接程之曰安得如來為我摩頂覆我以衣俄  
而佛為摩頂引袈裟以披之他日念佛又見人七寶池蓮青白  
其水湛湛有人頂有圓光胸出卅字卅字音萬是佛具德之象指池水曰

入功德水汝可飲之程之飲水甘美及寤猶覺異香發於毛孔  
乃自慰曰吾淨土之緣至矣復請僧轉法華經近數百遍后時  
廬阜諸僧畢集程之對像焚香再拜而祝曰我以釋迦遺教故

知有阿彌陀佛此香先當供養釋迦牟尼如來次供養阿彌陀  
佛復次供養妙法華經所以得生淨土由此經功德願令一切  
有情俱生淨土即與眾別臥牀上面西合手氣絕勅子雍積土

為墳勿用棺槨時義熙六年也春秋五十九蓮社高賢傳案宋書隱逸周續之傳有劉遺民字遺民嘗為柴桑令道跡廬山與陶淵明周續之皆不應徵命謂之尋陽三隱經典釋文云遺民好老子作元譜一卷遺民即程之也

道生彭城人父為廣武令道生出家為沙門法大弟子幼而聰  
悟年十五便能誦經及長有異解立頓悟義時人推服之元嘉  
十一年卒於廬山沙門慧琳為之誄宋書天竺迦毗梨國傳

人物傳

梁僧祐姓俞氏彭城下邳人初出家揚都建初寺武帝時居鍾山定林寺嘗著宏明集其學主於戒律其說主於因果其大旨則主於抑周孔排黃老而獨伸釋氏之法言頗雅馴

四庫全書總目

北魏登法師太和十九年四月帝幸徐州白塔寺顧謂諸王及侍官曰此寺近有名僧嵩法師受成實論於羅什在此流通後授淵法師淵法師授燈紀二法師朕每翫成實論可以釋人深情故至此寺焉時沙門道登雅有義業為高祖眷賞恒侍講論

曾與帝夜談同見一鬼二十年卒高祖甚悼惜之

魏書釋老志

唐劉混成彭城人字元和居江西南康府白鶴山久之留其弟子何玉守舍自入五老峯石室種木瓜為食煉丹成年八十六別其弟子而逝舉棺將葬空無人矣所居有丹井藥臼存焉

州志

黑老姓陳韋丹及第後歷任西臺御史京國有道者謂丹曰子好道心堅可自往徐州問黑老耳丹乃求假出往徐州召一衙吏問之吏曰去此五里瓜園中有一人黑瘦貧寒為人傭作住半間茅屋人皆呼為黑老韋公命吏邀取吏至瓜園中喚之不肯來乃驅迫之至驛韋公具公服在門首祇候一見便再拜黑老曰某傭作求食不知有何罪今被捉來願得生迴欲走出門為吏等遮攔不放自辰及酉韋公禮貌益恭再拜諮請叩問不已至三更黑老忽然倒臥牀上鼻息如雷韋公兢兢立牀前困極不覺亦倒臥至五更黑老起以手撫韋公背云汝起汝起汝似好道吾亦愛之大抵骨格不成就且須向人間富貴待合得時吾當來迎汝不然恐汝失路耳初秋日可再來此當為汝盡

人物傳

同治後州志卷第二十二下之十



同治後少元卷第二十二下  
一  
話言訖倏已不見韋公却歸至立秋前一日晚至徐州黑老已  
辰時死矣韋公惆悵埋之而去自後寂絕二十年不知信息韋  
公官江西觀察使到郡二年忽一日有一叟謂闔人曰爾報可  
道黑老來也公明日無疾忽然卒皆言黑老迎公上仙矣  
會昌  
解頤

惠照唐元和中武陵郡開元寺僧貌衰體羸好言人休戚皆中  
性介獨不與羣狎常閉關自處每乞食於里人里人年八十餘  
者云照師居此六十載其容無少異於昔時但不知其甲子後  
有陳廣者爲武陵官好浮圖氏一日因謁寺至惠照室見廣且  
喜曰陳君何來之晚耶廣愕然照曰我劉氏子彭城人宋孝文  
帝之元孫也曾祖鄱陽王休業祖士宏吾生於梁普通七年夏

五月年三十方仕於陳至宣帝時爲卑官在長沙王門下旣而  
遁去隱於山林凡十五年又至建業時陳氏已亡宮闕旣廢臺  
城牢落荆榛蔽路景陽結綺空基尙存衣冠文物闕無所觀又  
聞後主及陳氏諸王皆入長安卽攜一囊乞食於路以至關中  
聞長沙遷於瓜州徑往就謁畱瓜州數年而長沙殂吾囚髡髮  
爲僧遁跡會稽山佛寺凡二十年時已百歲矣雖容狀枯瘠而  
筋力不衰常日行百里因與一僧同至長安時唐皇帝有天下  
建號武德凡六年矣吾自此或居京洛或遊江左至於三蜀五  
嶺無不往焉迨今二百九十年矣貞元末於此寺嘗夢一丈夫  
衣冠甚偉視之乃長沙王也謂曰後十年我之六世孫廣當官  
於此郡師其念之吾旣覺因紀君之名於經笥中至去歲凡十

年乃以君之名氏訪於郡人尙訝君之未至昨因乞食里中遇  
邑吏訪之果得焉及君之來又依然長沙之貌然自夢及今十  
一年矣故訝君之晚也已而悲惋泣下數行廣乃再拜願執履  
錫爲門弟子照曰君且去翌當再來廣授教而還明日至居而  
照已遁去莫知其適時元和十一年宣室志

張果六合園叟嘗居蕭東南山洞南畿志龍駒嘴北峯高巖峭立  
洞在巖臍捫蘿乃得上傳聞張果居洞中掘地得物如羊烹而  
食之乃仙去蕭縣志

宋曹國舅紹聖四年蟬脫於玉虛觀觀在蕭縣東南五十里今  
更名騰雲寺江南通志

元洞真子涿州人姓耶壯年學道至元庚寅游京師謁真人邢

公賜號寶岩大師南游鄒嶧山師丹陽真人道侶號曰洞真子

西遊楊山遇晉井人趙志堅創建聚仙宮爲真靜大師兼本宮

提點延祐乙卯邀里中故舊會茶訖託以他往告別明旦人見

其西去弟子志堅闔戶視之羽化矣江南通志揚山志

徐神翁名守信泰州人居蕭縣陳疇村通黃白之術家日殷富

曾建願窮堂不富亭後白日昇舉今丹井遺址尙在蕭縣志

明房德穩號雲真子早慕元風師事長春真人攻苦食淡二十

餘年嘗居豐三年不出後卽豐勝境構洞真觀修煉相傳爲丹

成仙去云舊州志

李旺沛人少不羈日與羣小博嘗過城隍廟見衲子坐神像下

旺憫之遺以餅餌衲與旺語合遂得異術尋鬻所居室得錢日

人物傳

游市中委錢於地諸句者洎小兒競拾取之罄其錢而後去嘗  
遊金陵過逆旅求宿主人不納旺即趺坐門外會夜大雪主人  
以為不耐寒死矣早啟門視之旺所臥處三尺內無片雪始異  
而留之旺謝去後死於家已棺斂矣翌日有人見之豐縣某地  
眾以為尸解云江南通志

恆斌本京刹僧宣德間住徐州臥佛寺五十餘年持守戒律始  
終不渝李時勉嘗贈以序畧云恬靜寡欲進修精勤言不妄發  
事不苟為人不泛交舊州志

劉淵然蕭人遇異人授以秘書呼召風雲劾治鬼物太祖建西  
山道院居之洪熙間賜以御書號長春真人後趺坐而化朝廷  
遣官致祭翰林胡儼作傳江南通志

真元陽山李氏子幼為僧於廣福寺戒律精嚴正德中募修永  
慶寺嘉靖中創建千佛閣頗著靈異時人目為高僧陽山志

黃甲居岱山西家業農而性素端方萬厯間渡河溺死遂為河  
神屢護漕有功詔封為平河侯令沿河立祠蕭縣志

國朝盤山和尚智林號拙菴徐州人居清溝以所著電光雲鶴  
諸集屬王漁洋為之序姬志貞嘗贈以詩云曹溪遊萬里酌水  
問南能世界隨緣住人天最上乘蕭然白足侶不作紫衣僧寄

我新吟卷清涼五月冰居易錄

大樗浙江人曾舉孝廉晚棄儒服祝髮於蕭縣黃桑峪名士皆  
與之游蕭縣志

窮崖直隸人為僧於黃家口之大悲菴有異術能驅使鬼神預

人物傳

同治徐州府志卷之三十三下

知死期先與里人訣乃沐浴端坐而逝

蕭縣志

縱詩邑諸生少有文名中歲忽棄世匿跡冒山得辟穀法惟採橡栗療饑而已久之忽卒後數年有素識樵夫遇諸山巔呼之遂不見

蕭縣志

仙人方靈圓睢邑我溝集人也明季為道士住玉皇廟晚遇呂純陽得道嘗外遊順治末年歸息道旁樹下羣兒聚觀見蜚螂數百飛鳴繞其旁靈圓接以手噏而吐之咸以為異及起行視所吐皆荔枝壳也隣里爭延致如期往一日數處同見之始知為仙後再往延不可見矣

人物傳

流寓

幼安遼東伯鸞吳市士貴適意奚必故土哉古者男子生設桑

弧蓬矢於門示有四方之志孔子曰君子疾沒世而名不稱焉然則跬步不踰閭閻見聞不過婦孺其畋畋以終又何足怪也鄭康成客耕東萊學徒至數百千人而萊人王基著名於世朱子徙建陽之考亭諸生自遠而來者踵接其後閩之理學稱最盛賢者所至豈苟混迹而已哉中世士大夫以官為家宦轍莅止樂其土風遂至長子孫而寄戶籍迹其遺愛所畱芟舍無異桑梓有足尚也概譏以輕去其鄉亦云蔽矣作流寓傳

唐許由隱於沛澤

水經注

堯朝許由於沛澤請屬天下

呂氏春秋

周豕韋氏周赧王時失國徙居彭城以國為氏韋伯遐二十四世孫孟為楚王傳

唐書宰相世系表

漢張良更姓名亡匿下邳遇圯上老人授以太公兵法良常習

人物傳

同治徐州府志卷第二十二下

誦讀之居下邳為任俠陳涉等起兵良亦聚少年百餘人沛公略地下邳西遂屬焉史記雷侯世家

呂文字叔平史記索隱引相經單父人呂公善沛令避仇從之客因家

沛焉史記高祖本紀

司馬遷年二十而南游江淮上會稽探禹穴闕九疑浮於沅湘

北涉汶泗講業齊魯之都觀孔子之遺風鄉射鄒嶧厄困鄒薛

彭城過梁楚以歸史記太史公自序

閔貢字仲叔太原人世稱節士建武中客居安邑老病家貧不

能得肉日買猪肝一片屠者或不肯與安邑令聞之敕吏常給

焉仲叔歎曰閔仲叔豈以口腹累安邑耶遂去客沛以壽終後漢書周黃徐姜申屠列傳序

書周黃徐姜申屠列傳序

申屠蟠字子龍外黃人初范滂等賊否人物非訐朝政自公卿

以下皆折節下之太學生爭慕其風以為文學將與處士復用

蟠獨歎曰戰國之世處士橫議列國之王至為擁篲先驅卒有

坑儒燒書之禍今之謂矣乃絕迹於梁碭之間因樹為屋自同

傭人居二年滂等果罹黨錮蟠確然免於議論後漢書本傳

范丹字史雲外黃人桓帝時為萊蕪長不到官後辟太尉府議

者欲以為侍御史因遁逃於梁沛之間徒行敝服賣卜於市後漢書

書獨行傳

丁蘭河內野王人少喪父十五歲喪母乃刻木為像事之居豐

縣東十二里後人名其鎮曰丁蘭鎮里曰丁蘭里豐縣志

仲長統年二十餘游學青徐并冀之間後漢書本傳

人物傳

陳紀相平原視事未期會刺史敗於黃巾幽冀二州爭利其土君料敵知難不忍其民爲已致死乃辭而去寓於邳邳之野

鴻臚

陳君碑

鄭元在徐州孔文舉欲其返郡敦請懇惻使人繼踵

商芸小說

崔倓字季珪武城人從鄭元受學黃巾亂道路不通於是周旋

青徐兗豫問久不歸數州之人皆愛重之

三國志本傳

三國魏張範字公儀河內修武人性恬靜樂道不就徵命董卓

作亂與弟承避地彭城範子陵及承子馘爲山東賊所得範直

詣賊請二子賊以陵還範願以陵易馘賊義而并還之後爲

議郎參丞相軍事太祖征伐常令範與世子居守謂文帝舉動

必諮焉

三國志本傳

袁渙字曜卿陳郡扶樂人昭烈之爲豫州也舉渙茂才渙來沛

中從昭烈後避地江淮間爲呂布所獲布攻昭烈於沛昭烈出

走布使渙作書罵辱昭烈渙不可布大怒以兵脅之渙顏色不

變笑而應之曰渙聞惟德可以辱人不聞以罵使彼固君子耶

且不辱將軍之言彼誠小人耶將復將軍之意則辱在此不在

彼且渙他日之事劉將軍猶今日之事將軍也如一旦去此復

罵將軍可乎布慙而止渙後爲魏國郎中令

三國志本傳

華佗字元化沛國譙人游學徐土兼通數經沛相陳珪舉孝廉

太尉黃琬辟皆不就

三國志方技本傳

陳羣隨父紀避難徐州

陳羣傳

晉孫惠字德望本吳之富陽人父祖並仕吳惠口訥好學有才

人物傳

識晉武帝時州辟不就寓居蕭沛之間晉書本傳

王叡字元本太原人同弟懿起義兵與慕容垂戰敗南奔太元未徙居彭城後以襲桓元遇害宋武帝追贈給事中安復縣侯

宋書王仲德傳

宋垣苗亦流寓也居數世矣子孫入人物傳

王顯祖父延居彭城魏書藝術王顯傳

北魏鄭演滎陽人皇興初以功除冠軍將軍彭城太守賜爵洛陽侯拜大中大夫降為雲陽伯遂家於彭城子長猷見人物傳

魏書

韋道福本京兆杜陵人仕宋領鎮北府錄事參軍與徐州刺史薛安都謀擁州附魏賜爵高密侯因家彭城北史韋道福傳

韋元恢道福從孫有氣幹孝昌初值刺史元法僧據州外叛元恢招聚同志潛謀規復事泄為法僧所害魏書韋元恢傳

沈嵩武康人聰敏有文筆宗人保冲為劉昶參軍往依之昶遇之無禮遂憂愧死於徐州北史

李亮陽平館陶人少學醫術未能精究魏世祖時奔彭城又就沙門僧坦研習方畧盡其術鍼灸授藥莫不有效徐充之間多所就恤四方疾苦不遠千里竟往從之亮大為聽事以舍病人停車輿於下時有死者則就而棺殮親往弔視其仁厚若此累遷府參軍魏書藝術傳

魏書藝術傳

唐許鐸罷武城令客於徐龐勛反脇以官不從崔彥曾官屬被囚鐸潛饋資糧及死為收瘞匿免其子弟賊平乃皆歸其喪詔

人物傳

拜石首令賜銀緋

唐書崔融傳

温造大雅五世孫也不喜為吏隱王屋山壽州刺史張建封聞其名書幣招禮造欣然往從之建封雖與咨謀不敢縻以職事及節度造謝歸下邳慨然有高世心建封恐失造因妻以兄子李白字太白嘗遊梁碭與邑令劉碭山泛舟華池飲酒賦詩詩載集中

李太白詩集

高適字達夫滄州人盛唐時以詩名家嘗遊梁碭耕釣其間

全唐詩小傳

蘇源明初名預京兆武功人少孤寓居徐兗工文辭有名天寶

唐書源本傳

高昉適弟王摩詰有送高適弟昉歸臨淮詩云少年客淮泗落

魄居下邳

右丞集

張仲素字績之官司勳員外郎從事武甯軍累年

五代梁張筠海州人屬江淮俶擾徙家彭門時彭門連帥時溥

為東南面招討使擢筠為偏將累有戰功奏為宿州刺史梁人

陷宿獲筠歸

五代書史本傳

宋范純禮仲淹子懋官尚書右丞崇甯中啟黨禁貶靖江軍節

度副使徐州安置

宋史范仲淹傳

孔恩宣聖五代孫南渡時徙居蕭恩四世孫午當金末聚眾

捍禦一方元初授徐州觀察副使

江南通志

晁侓本澶之清豐人宋初徙家彭門子迥太平興國進士官至

太子少保終太傅孫宗慤進士及第官至參政

宋史晁迥傳

人物傳

詞台徐州府志卷第三十二下



陳綱郎中王仲秘書省正字吳子亮文林郎俱客遊碭山賦詩  
弔古碭山志

王子立子敏東坡先生云僕在徐州王子立子敏皆館於官舍  
而蜀人張師厚來過二王方少年吹洞蕭飲酒杏花下東坡志林

元羅曾魯橋人登進士授儲司院山長教授孔顏孟三氏子孫  
元末避兵宿遷因家焉淮安府志

太赤燕只吉台氏爲馬步軍都元帥從太祖定中原以功封徐  
邳二州因家於徐曾孫徹里仕至中書平章元史燕只吉台徹里傳

岳彥聖宋武穆王之後至元八年避亂徙居於蕭蕭縣志  
虞集字伯生臨川人集賢館學生與邑人成簡卿交善嘗主其  
家爲賦心遠亭詩道園

陳繹曾字伯敷湖州歸安人登進士口吃而精敏諸經註疏多  
能記誦文詞汪洋浩博官至國子助教嘗往來堯揚徐冀間晚  
年遂家於浦所著有行文小譜傳於世浦縣志

明文幾其先合肥人父景宗洪武初知徐州因家焉三十二年  
知府楊節仲以箴廉能幹濟薦授荊州府潛江知縣舊志

董轟字文雷浙江奉化人以父知徐州僑居於徐轟性溫雅博  
通書史詞翰兼美以知州楊秘大學士權謹薦授承天門待詔  
甄實字德輝直隸慶雲人由舉人歷官太僕少卿湖廣四川布  
政使宣著勤能往來過浦愛其土俗及致政遂家焉其子孫世  
爲浦人舊志

陳名夏字百史溧陽人崇禎初來遊於浦冬日猶衣絺綌明經  
人物傳

人物傳

卷之三十一下之九

張揚知爲奇士舍於家名夏南還舉癸酉鄉試明年會試下第  
還留浦中後登癸未會元

浦縣志

葉廷秀字潤山山東濮州人少遊浦中讀書汲塚寺數年性剛  
毅歷官郎署黃石齋以建言忤旨救者獲譴廷秀慷慨論列廷  
杖削籍甲申之難徐州兵借端擾害城門盡閉廷秀過浦諭以  
大義兵始戢後以選郎被徵未至遷僉都御史歸野服道裝隱  
處浦地日與衲子輩遊山東榆園巨寇欲假其名義以招誘愚  
民踪跡而劫質之竟不得其死

浦縣志

汪偉字叔度別號長源先世徽之休甯人世居於浦以江甯籍  
登進士授浙江慈谿知縣擢翰林院檢討闖賊圍京師偉忙憊  
累日不食妻耿氏從容語曰事苟不測請從君共死賊陷偉與

妻呼酒命酌大書前人語於壁曰志不可屈身不可降夫妻同  
死節義成雙爲兩環於梁間耿就左偉就右耿復曰雖在顛沛  
之際夫婦之位不可亂也乃易位相對共縊追謚文毅

浦縣志

孫盛字君承歙縣人隨父賈夏鎮倜儻不矜小節詩文一洗陳  
言趨於冲澹督學熊公廷弼補博士弟子所著有不朽集

浦縣志

李國祥字休徵江西南昌人博學能文仕兗州罷官貧不能歸  
寓居夏鎮日不能給購其文者或予數金得卽散之所著有河  
丁諸議松門川房集行世

浦縣志

羅霖蘇州人工繪事能詩與徐士大夫游僑居二十餘年聞國  
變閉戶不食旬日死

舊志

江漢句容人爲小賈於浦父病思鹿脯漢力不能致潛割左臂

人物傳

浦縣志卷第二十二下

三

肉脯而進之

舊志

李長庚字又生鳳陽人贅於蕭之徐氏易名長莪補邑庠生崇禎甲申之變長莪拜辭明倫堂棄巾衫逃遁下邳隱居授徒以養母其書懷詩有書生不是輕名利只為他年好蓋棺之句蕭志國朝沙傑字仲渠真定人從其父游豐國初羣盜竊發縣令閻珧知傑魁奇延與其守禦所殲除者頗多一日策蹇自徐還或識之怨家噪黨圍之傑挺身力戰被害其子弟家於豐能讀書鄭成功福建人與海寇鄭成功同名官福建督標把總從征臺灣出奇兵克花嶼猫嶼八罩將軍澳諸險要功稱最授拜他喇布勒哈番世職後人徐州衛籍寓居於蕭蕭縣志張振嗣字賡先其先順天人父天祐官徐州吏目因家於蕭之

穀山振嗣康熙丁丑進士授巢縣知縣歲早繪圖請賑有湖賊為害設計擒治之行取刑部山西司主事遷福建司員外郎蕭縣志

趙煒字彤文武進人歲貢生晚寓居蕭一時知名士多出其門

牆著有治心錄數卷子姪羲東元緒孫金相金式等俱入蕭庠

有聲蕭縣志

戴王徵字遠山金華人官盱眙丞工詩古文詞棄官後偕兄弟

家於蕭與諸名士時相酬唱著有雁聲小草蕭縣志

智煥字暉治直隸貢生任單縣令擢瓜州同知多惠政轉宗人

府經歷僑居礪山遂家焉礪山志

吳觀光字左文嘉定人以父鼎位教諭礪山觀光隨侍遂寄籍

人物傳

卷第二十二下

三

爲拔貢生性孝友先意承顏頃刻不離左右及父卒于江甯教授任觀光扶柩歸里喪畢讓產四兄復來殤從學甚眾卒葬焉無子嗣姪升彪妾尤氏以節著

陽山志

王九成濟甯人父官下邳遂家焉性孝友博涉羣書妻歿不再娶嘗教授鄉里以瞻兄弟之不足後乃棄去單身遠游名山絕壑足跡殆徧明河洛之學旁通術數書畫晚嗣一子構草廬謝客靜坐年近八十風采煥然如壯人

李煜本曹氏溧陽人也娶於唯甯李條侯之妹遂冒李氏居下邳順治中舉於鄉條侯以氣行於泗上結交爲任俠而煜豪俊猶出其右煜好爲文章頽蕩傲岸性復自喜以爲北人無及之者顧頗疏於檢束其行己益皎皎然不爲人下者也晚爲博士

官於松江之婁縣與許旭順湄友善世所傳筆札而已余聞婁人至爲煜立生祠云或曰煜嘗一爲華令而終

孫荃字去疾號萍渚休甯人有文名善吟詠無心進取應戶部丁公聘至徐因買田躬耕迎祖母暨母氏奉養務得歡心皆登上壽與伯兄琦尤極友愛每得一佳味必置酒與兄共之兄弟俱善書性慷慨里黨有求必應焉

侯份字鹿崗一字可原籍中州徙居六安爲前明駙馬侯拱極四世孫幼與彭門張氏爲姻好故客彭城最久少負不羈棄人間事視功名如土苴爲詩古文詞多奧博書法尤奇古不可卒識且善以草莖作山水然非酒酣時不肯作亦寥寥數筆至今得之者實逾珙璧云子然居蕭寺中不妄干人人以是尤重

之雍正壬子秋竟客死彭城年七十有三張蘧菴霖田兄弟經紀其喪葬雲龍山麓置豐碑焉

闕天麟字南枝溧南人乾隆年間客於徐以傭書畫為生見人必設三拜人比之唐方干性好潔有倪高士癖與彭門韓奕為性命交初不詳其來之所自後稍稍為韓道之蓋尹公壯圖鄉人也尹官京師時天麟依其幕下後尹放歸遂流落中土遊名山勝水足跡幾半天下其棲止多依蕭寺弟某官中州屢以書招之不往姪某謁選北上復造廬請歸約期未果以老病卒於彭城石佛寺同人歛貲葬雲龍山麓

余鐸字警新號木齋原籍淮安府清河縣庠生能文章遊幕於徐構宅於郡城遂家焉郡人咸以古君子目之年七十九卒葬於城南之桃園著有續承先啟後一編以為家範

人物傳

同治徐州府志卷第二十二下

同治後少川卷第二十二

三

候選訓導崔丹桂校

